

四庫全書

史部

欽定四庫全書

史部

浙江通志卷二百八十九

詳校官給事中<sub>臣戴璐</sub>

檢討<sub>臣</sub>德生覆勘

總校官編修<sub>臣倉聖脈</sub>

校對官中書<sub>臣李荃</sub>

謄錄監生<sub>臣謝大倫</sub>

欽定四庫全書

浙江通志卷二百八

列女

七

寧波府

鄞縣

宋

鄭覃妻董氏

宋史新編明州人建炎四年春金人陷明州覃挈小舟與董同載為兵所劫覃

不屈雖水死董哭曰夫死矣與其受辱以生不如死亦自沉其後孫曾皆舉進士而清之最顯贈秦

國夫人

童八娜

宋史本傳鄞之通遠鄉建舉人虎銜其大母女手獲虎尾祈以身代虎為釋其大母銜女

以去時林栗侍親官其地嘗目覩之已而為守以聞於朝祠祀之

元

胡志學妻王氏

成化四明郡志名守貞年十八歸胡載夫亡父母舅姑憐其無子將奪

其志王氏誓死守命族子嗣已而舅姑老且疾湯藥之奉朝夕弗懈後歿喪葬如禮泰定二年旌表

樂壽孫妻劉氏

兩浙名賢錄字淑靜歸定海樂壽孫三年壽孫渡江溺死同溺者多不得

屍劉氏生男甫週歲抱之沿流上下哭而求屍不絕聲者三日夜屍忽自浮得收葬焉時年二十九

撫遺孤勤苦守志克  
成家業詔旌其門

汪彌亨妻陳氏

戴良汪節婦傳年十九歸汪明年有

奪而嫁之婦哭曰老姑弱息汪氏之不絕如綫以  
是而有二心夫豈不食吾餘矣乃屏棄米服艱勤  
以奉其姑以保其孤子五十餘  
年如一日有司聞於朝旌其門

黃天驥妻蔡氏

黃潛黃節婦傳年十八歸黃明年有

死婦屏華米服艱勤以奉其姑以保其孤子三十  
餘年如一日家既裕而姑已老子亦能自樹立補  
儒學官有司上其事於  
中書省表所居曰孝節

金氏汝安

嘉靖浙江通志金良女父母多疾汝安侍  
奉惟謹及笄里中大家爭求聘汝安曰父

母老且病雖有兄弟馳驅門戶事朝夕乏供養奈何舍去自是絕葷茹蔬每夜焚香告天祈親壽後父母俱八十餘而歿汝安居喪六年遂不嫁史官危素為之贊

張定山妻樓氏

成化四明郡志名道真無子其媵汪生二子文海文慶撫育如己出既歸

之六年夫疾革謂曰吾親老子幼汝年方少我死汝自為之樓泣誓無異志既寡父欲嫁之號泣幾絕自是無敢言者奉姑舅並謹命二子受業程端禮之門至正年旌表

范淦妻董氏

成化四明郡志名守貞適范五年夫亡後姑與母欲奪其志董曰夫亡幸有子

別姑與母皆年老執與供養如有復我者請以死謝之逾十年姑亡又三年母亡悉力以供葬事教育子女皆成人至正年旌表

謝懷正妻陳氏

成化四明郡志仁和人歸鄭之謝懷正生子惟敬二歲而夫亡時年二十

父欲攜之歸卒不從乃誓死以守奉姑教子至正年旌

張穀寶妻祝氏

兩浙名賢錄名清年二十三歸張為繼室時夫已疾革扶植成禮期月而

卒初穀寶娶傅氏無子納二妾長馬生子遂孫次李生子康孫李性悍妬事傅氏無禮傅以憤慙卒及清至李假主父遺命立己為嫡俾清為媵凡資產悉據有之清善遇馬氏鞠育其子如己出清苦自勵遂孫長娶而生子子復生子子及孫凡三世清尚無恙壽八十五卒

盧秀卿妻何氏

嘉靖寧波府志秀卿亡何年二十五奉姑守節五十六年

應仕鵬妻張氏

嘉靖寧波府志方十八歲而夫亡遺腹生子應槐矢志自守孝養舅姑教

子讀書有成後任儒  
學官旌為節孝之門

蔡志善妻夏氏

戴良蔡節婦墓誌  
字守貞定海夏文  
華女年二十四歸  
鄞縣蔡志善三年

生子敬未及晬而志善死時海上兵起居人錯愕  
不自安隣有嫠婦嘗相與誓死守義後竟易其心  
而更誘之以甘言婦謝絕之終其身弗與見後姑  
年七十餘病革婦焚香熱臂乞以身代病旋愈教  
子必納於矩度婦德之修毋  
道之著庶幾古昔之遺風焉

程氏二節

元史本傳金氏詳定使四明程徐妻也京  
城既破謂其女曰汝父出捍城我三品命

婦汝儒家女又進士妻不可  
受辱抱二歲子及女赴井死

明



胡谷銘妻王氏

夫成化四明郡志名潤王生二子皆幼夫染瘵疾延及一門死畧盡潤王時

年二十餘獨抱遺孤處一室人共危之母家勸之歸且曰是家不祥而欲相從為鬼耶何不攻圖潤王泣曰夫宗祀之托幸有子吾一出是門真胡氏神主何地乎自誓以死勤苦紡績撫育二子壽七十二而卒

戴樗妻李氏

嘉靖寧波府志樗貧甚樵海為業溺死李慟哭茹蔬苦寢終其喪父憫之諷令

改適李哭泣誓死紡績撫子稍長乃命傭作以供饗殮有司奏旌其門

萬義姑

明列女傳名義顯字祖心寧波衛指揮僉事萬鍾女幼貞靜喜讀書兩兄武文皆襲職戰

死旁無期功之親繼母曹氏兩嫂陳氏吳氏皆戚年孀居吳道腹僅六月姑旦暮拜天哭告曰萬氏

絕矣願天賜一男續忠臣後我矢不嫁共撫之已  
果生男曰全姑喜曰萬氏有後矣乃與諸族共守  
名閭來聘皆謝絕之訓全讀書底成立全嗣職傳  
子禧孫椿皆奉姑訓惟謹姑年七十餘卒姑之祖  
斌及父兄皆死王事母及二嫂守貞數十年姑  
更以義著鄉人重之稱為四忠三節一義之門

楊守貞

兩浙名賢錄楊孟輝女也甫八歲許字俞氏  
伯子頊之伯子死俞氏請以仲繼楊父母許

之守貞聞泣拜母前曰大人許兒為俞伯婦疇知  
有仲也願大人以子畜之雖白首不悔父母憐而  
許之遂卧起一小閨不與  
家人相接至六十四而卒

章智通妻俞氏

成化四明郡志年二十四夫亡父母  
欲奪其志乃斷髮自誓勤苦紡績撫

子成立守節三十  
八年天順年旌表

包文助妻張氏

兩浙名賢錄名如消年二十二歸包甫期生子旬未及晬而丈助夭夫之

女弟誘以改志不聽夜為鬼祟以怖之張知其偽覆燈以覘俟崇發即啟燈女弟慚而退自是勤紡績養姑育子卒振包氏之宗人以為節義之報

倪元妻黃氏

嘉靖寧波府志僉事潤王之女孫年十九歸元三年而元歿祖姑在堂二季齟

齟氏奉姑撫二季既而姑歿殯送如禮人稱其孝年八十五而終

張曷妻謝氏

寧波府志名煙妹年十八適曷曷祇役京師以病卒氏年二十九計聞哀毀骨

立輒卸鉛華事紡織奉寡姑王氏甚孝撫二子俱成立次男誠充弟子員年二十八而歿婦陳氏年二十六依寡姑守義亦以冰蘖著聞世稱雙節成化四年旌其門

高宗常妻葉氏

鄞縣志宗常代兄遠戍歸而遺疾卒其兄欲奪氏志大其弟柅析其資投

以諸艱氏終不變志撫子譙成立痛父骸之毀大營塚域於蔣山弘治初詔賜粟帛旌其門

錢負女

鄞縣志母陳早卒與兄梵梵相依兄溺死妹亦悲慟而絕年十二

張氏三節

嘉靖寧波府志王氏張純妻年三十而寡時純長

子愷方七齡次子恒尚乳哺姑嫜抱持遺孩朝夕相弔梵梵如也已而恒亦夭其妻薛氏年二十四

以伯氏子時政為後苦節三十餘年

豐勲妻徐氏

兩浙名賢錄年十八歸勲勲卒無嗣徐年二十五誓以死殉自投於地傷手足

姑救之得不死事姑盡孝壽八十四而終

張道成妻褚氏

兩浙名賢錄年二十五而寡守節終身子清遇氏危疾刲臂療之母即差

氏卒清廬墓三年未幾清卒妻孫氏亦守節撫孤戩戴成人孫疾戩戴亦刲臂進人稱兩世節孝

余暄妻周氏

寧波府志字如珍年十六歸余成婚六日暄卒氏剪髮自誓族有難其守者語

泄氏恐中變乃自縊救甦者三朝夕守一樓力勤紡織以姪謙德為嗣謙德生子本中正德辛未榜眼時氏年九十張樂設宴氏謂有悖生平苦志屏之九十七而卒婢阿秀及笄將嫁之秀堅志悲哀

願事主母以終身年六十先卒  
王文成題其墓曰節感孺人

聞能妻陳氏

嘉靖寧波府志年二十歸能未幾能卒姪子六月服闋姑慮其年少家貧徵探

之泣曰即無後尚欲保姑天年況幸而有子乎以死自誓養姑愈謹正德甲戌旌其門

李珂妻胡氏

明列女傳年十八歸李閱七年而珂死遺男女各一苦守室中誓不踰閭隣火

作珂凡珮往救之曰阿姆來吾乃出珮使妻陳往婦以七歲男自牖付之囑曰幸善視之陳曰孀將

何如給之曰取少首飾即出陳去胡即累衣箱塞戶抱三歲女端坐火中死

忻王妻楊氏

兩浙名賢錄年十九王病疽楊吮之後死楊痛哭亦絕三日家人具殮乃蘇猶

噫噫作哭聲遂斷髮誓死無他志王嗜鯉每忌日必設一年偶值河枯無從覓楊悲慟不已忽一漁

父持鯉至以一金得之祭畢食胙得原金於魚腹中人大異之以為哀感所致

謝璫妻周氏

嘉靖寧波府志名應祿歸璫客死會稽氏年二十六子表甫三歲氏歸夫骨

以葬豫穿已穴子榮哮疾疴羸日甚昕夕祝曰天不絕謝氏幸全吾兒已而果愈年七十五旌門

李維勤妻薛氏

嘉靖寧波府志名志貞年二十二而維勤卒或諷之輒泣曰人而甘獸乎

薛李故望族誰當為此者若有之除日自西出耳即聯穴於夫朝夕忍泣以奉姑撫女姑老癰發背

不能卧薛朝夕抱持以身為藉背不就席者

三月姑卒憂勞衰毀遂成疾年四十而卒

薛處女

嘉靖寧波府志名義許字宦家子早世貞守不嫁以奩具植孝思祠堂於父墓側薛氏世

馬亭

賈錠妻丁氏

寧波府志年十七歸寧波衛百戶賈錠錠以轉漕赴京道卒丁聞一哭而隕家

人扶灌乃甦日夜哀哭淚盡繼之以血數欲自縊家人密防之不遂乃撫前妻子文榮愛逾已出其

叔潛欲奪其志氏即引刀斷其指叔始喘不敢言年六十九忽沐浴更衣而逝

李郭翁妻潘氏

嘉靖寧波府志繼姑王氏每以非禮加之氏委曲承順王後病痿氏事湯

藥抱持雖中裙廁膾必躬滌不懈後又事繼姑陳無異事王時疫大作舅與夫相繼死氏年二十九二子尚幼歲飢或勸其鬻書自給潘曰李氏累世所積以貽子孫者惟此耳忍輕棄耶乃織作以養姑教子後被旌

何處女

嘉靖寧波府志何清之女許字應仁及十六忽得胃疾不愈應仁將迎之女曰吾不幸嬰

疾可復以身為人累耶卒依父母比父歿號哭自毀以卒

趙勤妻余氏

嘉靖寧波府志名德貞年十九歸勤不二年勤亡遺子文志方一週適遭回祿

蕪歲飢草樓絕粒族人欲奪其志德貞即斷髮折指以死自誓勤紡績以撫文志俾承父業年六十



卒八

楊文瑜妻王氏

嘉靖寧波府志夫戕於傲弟婦年二十八憤欲自經以方娠不果姑必欲

奪其志誓以必死逾月生子錫於是舍寃茹苦撫遺孤而教之成目不窺戶孝養其姑嘉靖壬午旌

張葩妻楊氏

嘉靖寧波府志年十七而嫁嫁七日而寡諸伯氏欲圖其產以訛言相誣終不

為動白首一節人無間言

李八妻林氏

嘉靖寧波府志八故山農傭乞生子性三甫週而八死林年二十八擗踊哭泣

若不能生既葬或說之改醮林曰生為李氏婦死為李氏鬼耳已而性三長娶婦邱氏舉一孫而性三死邱他適林抱育遺孤紡績以自給未嘗有幾微慙苦見於顏面人尤難之

倪鉞妻王氏

嘉靖寧波府志 鉞性不慧王奉之至敬  
一女二子幼者纔四月適瘡疥甚劇而

鉞忽暴卒氏年二十七悲痛罔極又甚危其子舍  
哀調攝幸各保全中更哀落每至不給輒勵其子

曰丈夫曾有消長無事戚戚只恐海乾  
人白頭耳後家亦稍樹年至八十四終

陳襄妻倪氏

名列女傳定海人適邵陳襄襄卒氏年  
三十無子家貧甚力女紅以養姑人有

慕其姿者遣媒白姑氏煎沸湯自漬其面左目爆  
出又以烟煤塗傷處遂成瘡惡狀媒見之驚走不

敢復言歷二十年姑  
卒氏哀慟不食死

許元忱妻胡氏

兩浙名賢錄 元忱病疫死氏才二十  
三未幾其夫之兄亦疫死如遽改適

里人妍氏色競謀於許之強暴者求偶氏有期矣  
氏見逼即毀面截鬢髮斷左手三指血淋漓誓以

必死羣暴者驚散去族尊姑妯娌皆抱持之氏大慟因立應後者氏督之力田益身自勞苦不浣不櫛故污穢以自廢極力畢夫葬及娶婦纔潔布素夫有弟少流移則為反之道之勤弗率即延尊者詬責之已而復為之娶婦氏益勤織作僅免飢凍而耿耿之性死不可易年七十餘卒

### 董鏐妻陳氏

嘉靖寧波府志鏐卒陳年二十六抱遺孤悲泣不勝遺腹復生子益稍慰乃舍

哀教二子  
竟全其節

### 夏冤妻王氏

兩浙名賢錄年二十三而寡遺孤二人俱在襁褓姑老齒落氏每晨起先以其

乳乳姑二雛呱呱勿顧也嘉靖丙辰倭寇至氏負姑入山披荆棘破肌膚姑賴以全比姑卒悲營喪葬之事力瘁而卒

章海妻陳氏

嘉靖寧波府志年二十四夫亡越三日產一女姑鍾氏欲季子之專其資也連

奪二婦之志次將及陳會海葬姑囑營一穴陳截髮齧指矢志靡他悉捐奩具以營雙穴宗人知不

可奪立姪為後水藥之操終始不移

沈渭妻蔡氏

嘉靖寧波府志年十九歸渭生子應麟明年渭死舅姑不愛之委曲承順至欲

奪其志輒抱子而泣夫志自勵人無間言

王守中妻呂氏

舊浙江通志守中死夫兄守恒有三子利其資逼使改適呂忍死不從遺

姪生子守恒設計欲害之氏以遺產四分之以一予孤孤得無恙女適徐奎亦以節著

徐氏三節

兩浙名賢錄徐奎妻王氏生子海五歲奎卒王年二十三事姑孝敬撫育遺孤海娶

余氏海卒余時年十九遺孕生子曰定示其志有  
定也家日落勤紡績以養姑定娶周氏甫二載定  
卒無子乃子族人之子以節終三  
世棲居皆跡不踰壺聲不出戶

### 張珍妻趙氏

兩浙名賢錄珍家徒壁立成化十九年  
舉於鄉未踰年卒氏年二十二艱苦伶

仃勤女紅以餬口然不為男子製服坐卧一小  
樓雖寒暑不下至白首宗戚有不識其面者

### 高鏐妻曹氏

鄞縣志二十五歲夫亡姑病目長子浩  
在乳次子瀛在腹螫簪珥以完喪葬有

匪人謀奪其志曹截髮毀容誓以必死姑五  
旬而替八旬而歿曹奉之不失其歡後旌門

### 李承家妻謝氏

舊浙江通志夫患厲目盲將改字不  
從及婚夫死守節終身有司奏旌

### 王大用妻夏氏

鄞縣志年二十四大用亡家貧無嗣  
撫姪承祀奉老姑生事死葬備極艱

欽定四庫全書

清江雜錄  
卷二百八

苦女清姑適全元海亦二十  
四而寡孝養舅姑立嗣繼後

汪明德妻翁氏

鄞縣志明德卒氏將鬻產為殯葬費  
親屬不許越七日遂逼其改醮已受

聘矣氏曰夫肉未寒而適人誠犬彘之不若至夜  
將自經為人所覺不獲俟夜靜乃穴壁而出自沉  
潭水以死

張梗妻葉氏

鄞縣志年二十四梗亡無子母勸之嫁  
不許有已產數畝當歲飢公家欲鬻以

濟急氏一無所恠如黃氏槌之妻也亦少寡與葉  
晨夕相依嘗有盜穴入其室二婦在幃中覺之相  
與坐起兩手壓幃聽其竊取不出聲天明家人尤  
之曰吾兩寡婦豈與男子格鬪哉區區箱籠何足  
惜

黃崇藩妻王氏

寧波府志年二十七而寡奉姑育子備歷艱辛崇禎二年巡按表其門卒

年八十一其妣紀氏娣毛氏亦夫亡守志與王氏稱三節云

李氏三節

鄞縣志朱氏李曰榮妻馬氏榮之弟曰富妻胡氏富之弟曰貴妻兄弟三人相繼而

歿如娣三人誓同守節各撫其子成立及卒樹坊旌之曰一門三節

陳烈婦

鄞縣志歸柴某夫溺挾邪好酒賭博家貧如洗遂染病陳絕無怨言惟勤女紅以支朝夕

勞苦萬狀夫黨皆無賴欲併幼兒偕妻別售陳聞大慟峻拒者再終不悞一夕繫兒於腰抱石投水

中死楊德周為立傳

陳良謨妾時氏

鄞縣志揚州人年十六為邑人陳侍御良謨妾甫三歲閭賊陷京師良謨

曰事至此吾有死而已氏曰公死妾亦死良謨無  
子知氏有娠為之躊躇氏曰是有疑於妾也請先  
死因更易簪珥裳服終乃易舄取之笥舄皆赤良  
謨曰遭君父大變而赤舄非禮也我為汝墨之因  
塗之黑氏納之足遂就縊良謨俟其氣盡亦縊

國朝順治初贈孺人與良謨合祀

甬上四節

明列女傳張氏錢塘人適鄞縣楊文瓚文

錢聯夫首棺殮畢即衣盛服題絕命詩以佩帶自  
縊而死文琦妻沈氏亦自縊夏繼妻陸氏結悅於  
梁引頸就縊身肥重悅絕墮地既復取悅結之而  
死有司聞楊華三婦之縊遣丐婦四人至獻宸家  
防其妻朱氏甚嚴朱不得間陽為歡笑以接之且  
時時誚三婦之徒自苦也數日防者稍懈因謂之  
曰我將一浴汝儕可暫屏  
丐婦聽之遂闔戶自盡



吳景仁妻陳氏

朱瓏妻陸氏

錢勗妻徐氏

徐協妻余氏

錢紀妻董氏

陸壻妻楊氏

屠湘妻董氏

陸厚妻徐氏

梁衡母劉氏

宋渙妻陸氏

邱原和妻柯氏

許瑜妻季氏

陳榴妻干氏

黃家祚妻楊氏

王震妻方氏

張性妻楊氏

唐璋妻蔣氏

朱泉妻王氏

陳檟妻毛氏

傅湖妻樂氏

樂元和妻陳氏

虞汴妻黃氏

張邦彥妻林氏

徐良璧妻何氏

盧璉妻管氏

黃毅妻邱氏

屠漢妻吳氏

王相妻劉氏

趙瑞妻張氏

王淮妻金氏

陳淳妻韓氏

毛恕妻余氏

呂瑛妻張氏

紀璘妻陳氏

葛挺英妻何氏

蔣鐸妻周氏

毛某妻傅氏

毛文盛妻倪氏

毛鼎妻童氏

毛立之妻方氏

張子城妻周氏

張得富妻馬氏

張尚彬妻陳氏

張袞繩妻陸氏

倪鏞妻徐氏

王燾妻周氏

聞賢臣妻陳氏

張應麟妻邱氏

莊九陵妻陳氏

黃應豫妻韓氏

屠惟曾妻邵氏

俞希直妻虞氏

唐世賓妻朱氏

殷桂妻錢氏

虞時保妻翁氏

李生寅妻劉氏

陳桐妻包氏

莊悌妻楊氏

柯茂華妻陸氏

湯一雋妻范氏

楊格妻莊氏

袁學詩妻趙氏

聞守勲妻李氏

范格妻楊氏

朱汝修妻桑氏

邱承豫妻王氏

徐家麒妻范氏

俞玉妻王氏

張結妻茅氏

張良輔妻宋氏

張良翰妻吳氏

國朝

李銓妻何氏

寧波府志歸銓未閱歲夫亡氏年十九而銓前妻子景濂甫六歲氏携孤之塚

間風雪中負土築墳哭聲出林樾銓故寒士父母先亡顏垣敗壁母子形影相弔或終日吹烟不舉節操愈勵苦志五十餘年順治九年具題奉

旨建坊旌表

陳久祥妻趙氏

寧波府志歸陳八載而夫亡遺孤甫十月氏含淚撫孤茹荼紡績守貞四

十一年年六十七卒康熙十年奉

旨建坊旌表

蔣爾堦妻費氏

寧波府志歸蔣五載夫亡遺孤甫四歲撫長躬為課督俾之成立康熙二

十七年奉

旨建坊旌表

胡文黻妻應氏

寧波府志歸胡三載夫亡無子撫姪為後操凜冰蘖康熙三十五年奉

旨建坊旌

表

姚世珪妻章氏

寧波府志夫客死於外計至氏投地欲死者屢念上有垂白下有幼孤忍

死自守撫子成人舅姑歿喪祭盡禮康熙三十七年奉

旨建坊旌

表

黃懷泰妻張氏

寧波府志夫亡孤幼氏辛勤鞠育歷數十年未嘗自逸康熙三十九年奉

旨建坊旌

表

范佩賢妻董氏

寧波府志年十九歸范五載夫死子章述甫四月氏誓死不移撫孤成立

康熙四十五年奉

旨建坊旌表

宣自益妻陸氏

寧波府志自益早亡氏事老撫幼兩盡勤劬康熙六十年奉

旨建坊旌表

表

包萬善妻孫氏

寧波府志歸包九載夫死遺孤六歲泣曰吾不即從夫地下者為此孤也

旨建坊旌表

矢節撫之子得成立氏以壽終雍正四年具題奉

洪碩卿妻韓氏

寧波府志洪多病形體羸瘠氏侍奉湯藥晝夜不輟夫亡孝以養姑勤以

育子孤苦自

甘者數十年

董肇璿妻吳氏

寧波府志結褵五載夫亡遺腹生一男氏忍死撫孤勤劬自給宗黨賢之

旨建坊旌表

以上二氏俱雍正五年具題奉

李應鳳妻顧氏

寧波府志歸甫期而應鳳亡遺孤在襁褓氏念宗祀為重毀容歔迹不辭

艱苦矢志育孤有成

謝為宋妻胡氏

寧波府志為宋亡時版有遺孕忍死待其誕育已而產一男彌月而子死

氏復立繼撫育以奉烝嘗年踰六十卒  
氏俱雍正六年具題奉

旨建坊旌表

表

胡永孜妻汪氏

題旌卅年二十歸永孜閱三年未有子而永孜客死於外計至泣血毀容

誓無二志家貧孝事舅姑舅姑歿喪葬盡禮立從子為嗣撫育成立守節三十八年而卒

王士騶妻余氏

題旌冊年二十二歸王夫卒氏年二十六遺孤甫週歲氏奉養老姑教其

子成立守節二

十八年而卒

錢文祥妻曾氏

題旌冊年二十八夫亡遺孤四人俱幼家徒壁立親族無倚氏紡績易粟

以奉邁姑育諸子子長教之問

學皆有成立守節三十二年

李世鰲妻水氏

題旌冊年十八于歸時夫已病篤甫彌月而夫亡氏欲以身殉舅姑慰之

曰吾止有一子今已死汝若再死如我兩人何氏自是代夫供養不敢稍懈立從姪為後撫育備至

守節三

十七年

余錫祥妻徐氏

題旌冊夫亡氏年二十七欲與俱死其姑哭曰婦死孫誰依且我雙目俱



廢誰為奉養予氏自是忍死奉姑備極孝養課子讀書守節四十五年以上五氏俱雍正八年具

題奉

旨建坊旌表

黃廷銘妻錢氏

題旌冊年二十五而寡撫子守節二十六年雍正十年具題奉

旨建坊旌表

表

董元毅妻謝氏

題旌冊年二十三夫亡未踰月而姑病湯藥親嘗歿則盡哀盡禮奉事毫

舅尤加孝謹教子嚴肅有截髮對薦風守節二十五年

潘朝珣妻張氏

題旌冊年二十二而寡舅亡剪髮營殯葬繼姑一女禮若昆弟食飲推甘

得其惟心教子以母慈父經史口授子人瑞登鄉薦守節四十五年以上二氏俱雍正十一年具

題奉  
旨建坊旌表

董允寔妻張氏

題旌冊年二十五夫亡無子舅姑先歿生姑在堂氏事之甚孝夫兄嫂早

世遺二子撫教成立守節二十六年

沈鼎緯妻毛氏

題旌冊鼎緯患瘵疾卧床褥氏親嘗湯藥衣不解帶者兩載及卒念姑久

患目疾奉侍無人子又幼忍死以守與姑同寢處跣步不離者二十年姑以壽終教子讀書蜚聲

序守節二

十七年

崔占五妻戴氏

題旌冊年二十四夫亡撫教遺孤長為娶媳生二孫子復死同媳撫二孫

俱至成立守節五十四年 以上三氏俱雍正十三年具題奉

旨建坊旌表

王貴猷妻錢氏

題旌卅年二十八夫亡家貧事舅姑孝教子克自樹立孀居後戚黨罕見

其面守節三十九年雍正十三年具題候旌

沈光僑妻謝氏

寧波府志年二十二歸光僑氏故美姿容而光僑貌極醜且貧人謂其必

不相得也氏則情好甚篤未幾夫病卒有新孝廉慕其色遣媒議婚氏裂媒之衣唾之即日冒風雨奔哭殯所比歸大呼心痛遂嘔血死

繆氏二節

鄞縣志陳氏繆明城妻明城歿氏年二十撫孤矢節其婦余氏遺孤世選之妻年

十九而世選亦歿姑媳伶仃恒至絕食順治間三院表門蜀役給月膳

余應蛟妻孫氏

鄞縣志年二十六應蛟亡誓不再適境極不堪而處之晏如卒訓其子豹

為諸生鄉人聞於官月給米五斗膳之終身年八十四卒

趙文炳妻陳氏

舊浙江通志順治己亥海寇入犯氏携老母幼子避難猝遇賊欲污之大

罵賊斷其一臂遂赴水死旌曰舍生取節

趙宗元妻呂氏

寧波府志順治己亥海寇入東鄉氏抱一女奉姑避難舟行數里遇寇欲

污之先刼姑入水氏拋女於岸遂赴水同溺死

樂元會妻陳氏

寧波府志年二十二而寡教子成人娶婦郭氏海寇掠境氏與郭氏乘舟

而避與賊遇姑媳俱抱石投水死

錢某妻徐氏

鄞縣志已亥海寇入鄉欲污婦不從以刀脅之堅拒罵詈賊刺其腹死

應烈婦

舊浙江通志東鄉丐戶也已亥海寇亂偕其曹避村廟中一卒帶刀入見氏將污之挽之

不動卒怒其曹恐見害咸勸之就堅不從已而知其必不可脫佯許諾卒喜稍縱之遂逸出廟門外

將投井為卒所持不得入復逼之終號泣不就卒大怒亂斬之年十八

王朝幹妻李氏

寧波府志名德貞海寇犯東鄉氏對姑泣曰賊勢猖獗難保無虞遂抱幼

子赴水死

周容妻金氏

寧波府志名述性孝能詩甫生女寇亂姑念媳在林不忍避氏恐累姑作素羅

歌遂以羅自縊

丁鄧南妻楊氏

鄧縣志年二十四而寡矢志撫孤卒年九十子承元早世婦楊氏奉姑撫

子鄧守楊之  
柄兩旌之

黃奕醺妻袁氏

舊浙江通志醺死表  
堅志守節以飢餓死

周天輝妻徐氏

舊浙江通志名引夫歿家貧矢志不  
二姑與父母欲奪其志有豪奴聞其

色挾重資來聘家人方與奴較  
聘資而婦已潛於樓上自縊矣

殷貞女

寧波府志許字郭文蛟文蛟疾篤郭欲完姻  
應喜殷戚屬難之女曰病雖篤然或以應喜

邀祥亦未可知遂往文蛟已病劇不能成禮次日  
竟逝氏年甫十九或勸其改適氏泣曰吾既入郭

門即郭婦也  
守志終身

屠印姑

寧波府志陸耿章妻耿章淫酗無行蕩其產盡且負酒家博債以姑為質日夜說以姦事

不從絕粒十四日而死

史氏二節

寧波府志施氏史起昊妻起昊客死遺子二大宿大家閱數旬有所親媼至相弔慰

附耳語曰須自為計施大慟揮斤之卒能撫訓其孤有成婦管氏大宿妻年二十五生子在甲大宿遊京邸聞舉子而疾卒管氏撫藐孤勵節如其姑在甲成康熙癸巳進士

舒再芬妻陳氏

寧波府志年二十四見夫病篤遂操利刃割左股血流滿地命幾絕姑覺

往救得蘇作羹以進終莫救家貧躬織絰以教養其孤大綸遊庠有司旌之

錢肅遶妻鮑氏

寧波府志甫納米而肅遶隨其兄攜遷無生還埋父母欲改字之氏齧臂

出血誓以死守比歸得諧仇儼年已二十六矣肅  
道挈眷寄食崑山病卒氏牙身扶柩歸負土葬於

舅墓

之旁

陳氏二節

寧波府志施氏包氏娣姒也施年二十五  
夫陳昌祚亡遺子岱甫三歲包年二十七

夫昌機亡遺子峽甫五歲老姑喪明二  
婦撫幼子事盲姑俯仰交瘁人稱雙節

楊氏二節

寧波府志唐氏楊東憺妻夫卒氏年二十  
七撫遺孤誓甘冰藥孫楊式孟妻程氏亦

以二十五歲守  
志撫孤成立

任貞女

寧波府志袁弘泰聘妻弘泰亡父母欲改字  
女剪髮投繯屢絕而魁三年喪畢女設供介

社庵哭奠其夫悲不自勝越三日而歿  
年二十二女家告於袁與弘泰合葬焉



董貞女

寧波府志董允卿女甫十歲父母並亡伯父允明撫養及笄許字沈大詩舅姑早世大詩

以貧故旅食長安遇疾而殞女時年十八即擬往沈門治喪或告以大詩弟大訓尚未有室遂中止有勸之更字者即截髮自誓及大訓娶婦生子貞女喜可為夫後未幾大訓亦歿婦嫁子殤女由是獲心疾惟日望大詩柩歸為同穴計大詩有從兄弟二人皆客京邸許以觀歸乃相繼客死自茲返葬無期女益沉痾不可起雍正丁未春卒於家年四十

錢傳恭妻傅氏

寧波府志傅恭患惡疾呻吟半載氏親為吮咂不少怠死之日辟踊自絕

族人救之魅早暮哭泣卒以哀毀而殞

楊大澄妻王氏

曾士進妻陳氏

齊天氏妻張氏

陳泰交妻李氏

徐友傑妻唐氏

忻應華妻殷氏

阮文肇妻方氏

董應達妻周氏

黃鼎新妻董氏

李蓋妻仇氏

丘鴻聲妻薛氏

郭文龍妻王氏

洪朝俊妻滕氏

陸炳衡妻俞氏

王國彩妻張氏

董名世妻丘氏

柯茂景妻陳氏

徐胄鎡妻張氏

張聖妻陳氏

李丁虔妻殷氏

沈安臣妻管氏

管麟妻董氏

茅驥妻張氏

余長弘妻張氏

錢啟忠妻葉氏

聞即山妻管氏

聞肇平妻陸氏

孫毓芝妻謝氏 程景鵠妻董氏 馮天駿妻王氏

陸顯妻李氏 章友梅妻任氏

慈谿縣

宋

史簡妻葉氏

延祐四明志慈谿人歸鄞之史簡簡為縣從事尉受賊杖平民簡獨慙之以杖

首雖朱股以進初舉杖血流於尻尉怒以杖平民者杖之歸數日死氏年二十五有娠後得男曰詔隣保咸曰是祿中兒寧可恃耶誓不聽晝夜紡績俾其子從師讀書為善士晚歲生產益裕養孤女數人俾有歸年八十六以終凡十八封至冀國夫人

李綦妻張氏

成化四明郡志名妙靜年十九歸綦甫八門夫病革一顧而易簣或云伉儷未

成盡返而從父母張誓不許曰入李氏門即李氏婦義無再適守節終身壽八十四卒

元

方琬妻翁氏

歲良安節堂志生子原三歲而琬卒年少寡居或疑其不能安也氏曰吾聞婦

人以夫為天今死而遂去之是背天也背天不祥死不再適乃益經紀家政夜張燈紡織晝課童奴樹藝有司工之朝旌其門

沈景莊妻顧氏

成化四明郡志年二十六歸沈生子尚質夫亡時年二十八撫育其子長

教之讀書至正年旌表

沈則妻王氏

嘉靖浙江通志年十六而則亡有子輝弱所親勸其改適王泣曰有姑在堂有

子在抱若忍棄之何以見吾夫於地下乎奉姑教子至死無二至正間旌

明

楊貞女

明列女傳字同邑鄭子珠洪武中子珠父仲徽戍雲南明制子成丁者隨遣故子珠亦在

戍中楊年甫十六聞子珠母老弟幼請于父母適鄭養姑子珠卒戍所楊與姑撫諸叔成立以夫從

子為嗣苦節五十餘年其後鄭與妻張氏嫁未旬日泰然妻嚴氏生子一蘭方孩抱扶妻王氏事夫

癯病八年三人皆楊氏夫族先後早寡皆以節聞萬厯中知府鄒希賢題曰鄭氏節門以九浦江義

門云

沈氏二節

兩浙名賢錄孫氏歸沈銘善年二十九夫亡生于甫八月宋氏歸沈銘禮年二十夫

亡生二子皆在襁緥人以宋氏年尤少諷之更適宋自誓曰迫之果急惟以江水為徑見吾夫於地

下耳蟬如日勤紡績至白首洪武年旌曰雙節

謝仲華妻田氏

鄞縣志慈谿人年二十仲華亡尋罹水患室廬漂沒僞居於隣富豪欲娶

之斷髮以誓迫之不已遂遷居以避而迫者如故乃携幼子奔徙於鄞伶仃孤苦紡績育子長而娶室已子出不返氏又撫孫升督以學業永樂己丑升成進士授御史

劉貞女

兩浙名賢錄許聘馮光濟卒劉年十七聞訃請歸馮治喪母不可哭曰聘不為先婚

不為後不負此心死無憾矣遂奔喪命治兩殯終身不御鉛綺獨處一室族人罕見其面

翁錄妻鄭氏

天啟慈谿縣志錄奉例輸米揭鄭上京卒於途鄭扶柩歸葬時年二十七無子

伯仲欲奪其志鄭曰有姑在姑亡又欲奪之曰有父母在遂大歸於宗織紉自給及父母亡屏處敝舍瓦鑪地爐以供朝夕年踰六十出所積治棺衾甫具以疾卒詔旌其門

桂一祿妻周氏

嘉靖寧波府志適桂不三歲而夫卒有媒氏以巧言動之輒恚曰此言何

至汚我耳遂斷髮自誓不修容儀對婦如亦無笑容守志五十六年天順壬辰旌

徐傑妻任氏

兩浙名賢錄年二十歸傑甫二年傑亡一月子錦生育之漸長使讀父書驚環

釧以佐費勤織紉以資養卒令其子成進士官至都御史

趙勝妻馮氏

嘉靖寧波府志二十五而夫亡母欲奪其志婦欲自盡婦如相守累日母懼而

止取姪陳為嗣自授以句讀  
陳登進士授主事遂得錫封

### 陳佳妻王氏

明列女傳許聘於陳而佳病其父母娶婦以慰之及門即入侍湯藥未幾佳卒

氏年甫十七矢志不嫁姑張氏責以未成禮而守為無名婦曰既入陳門經事君子何謂無名姑乃使人邀其二弟諷之氏不答截髮毀容姑終欲強之窘辱萬狀二小姑凌之稍不順即爪其面姑聞復加箠楚婦口不出怨言曰不逼嫁為婢亦甘也每夕寢處小姑牀下受卑濕遂得偃疾私自幸曰我知免矣鞠從子梅為嗣教之業文成化初領鄉薦辛昌其家

### 汪貞女

兩浙名賢錄聘於張鸞未嫁而鸞遊閩中父母度其將近預娶過門以俟月餘忽報鸞死

汪誓無他志其母誘以歸諭之更嫁汪乃從簪取珥葬其衣擲地曰還汪家物歸張氏身即登舟而



返獨守孀閨未嘗踰戶後忽病疹危甚翁姑為之迎醫汪却之曰吾得死所矣豈藉醫求活耶遂卒

### 張維妻凌氏

明列女傳弘治中維舉於鄉而卒氏年二十五生子四歲亦卒因歸省其兄諷

之改圖氏痛哭齧屑啜血灑地遂終身不歸寧舅姑慰之曰吾二人景逼矣爾年尚遠何以為活氏曰餓死甘之乃出簪珥為舅納妾果得子喜曰張氏不絕亡夫墓門有寒食矣後舅病瘋姑日督氏紡績以養二十年不衰邑令葉疎重其節置田五畝資之後荒喪相仍氏亦老且憊竟以餒死

### 臧梁妻王氏

嘉靖寧波府志名一芝定海右族女歸慈谿臧梁甫三月而梁之父任三年不

歸已而舅死官所梁扶喪歸亦死氏年十九手治服殮既殯哭別塚以歸明日促父往視梁墓及還見牕戶扃固驚呼不應啟視之則已經矣事聞旌其門

劉越妻孫氏

嘉靖寧波府志年二十一夫亡舅姑欲嫁之乃斷髮焚夫柩前曰我志欲移有

如此髮因終日坐柩旁以事紡績鞠子既成始葬之劉氏自劉圭妻王氏劉喟妻王氏與孫氏一門

三節人傳  
以為異

陳原理妻馮氏

兩浙名賢錄原理卒馮年二十二無子舅姑老業且凋落惟勤紡績為儼

居具鋪之費姊潘氏亦少寡誓以死守郡丞顧錫巖悼之以詩

周杭妻秦氏

天啟慈谿縣志年十七歸杭甫暮杭卒越月姑亦亡貧難孤苦有以言諷之者

泣曰清白婦女何得以污言相及乎遂留指誓無他志事繼姑孝詔旌其門

葉貞女

明列女傳定海人許聘慈谿翁姓父母歿遂育於翁年十四翁資產日落且失其姑舅侍

之如奴勞動萬狀畧無怨色舅以子幼欲驚之羅  
姓者女日夜哽咽後知不可挽乃偽為喜色舅信  
為實乃寬之夜月上結諸如曰月色甚佳盍少觀  
乎趨門外良久諸如曰夜半矣盍就寢遂入及晨  
覓之已浮屍於河起之色  
如生衣服上下聯結甚固

方某妻王氏

兩浙名賢錄嘉靖戊戌正月二十八日  
夜半火起西市延燎及方氏歸僅逾月

居一小樓時夫外出堅守不下遂陷于火遍體  
灼爛惟心獨存夫歸抱而哭之淚滴其心輒化

姜阿龍妻桂氏

籌海圖編桂阿寶女方少艾賊至與  
衆婦走匿馮氏僻室室後有池賊搜

室衆婦競赴池賊以  
手挽之桂絕袂而死

馮警妻張氏

籌海圖編年二十歸警六年遇倭寇偕  
姑竄匿其夫為寇所殺張亟收夫屍殮

葬未數日寇復至張偕姑及妯娌買舟逃至管山江為寇所及張知不免曰不死且污賊手然馮之嗣不可絕也以幼子付其姑偕伯之妾徐氏即沉於江賊大驚異遂舍舟中諸婦以去

沈氏六烈

籌海圖編章氏沈祚妻周氏沈希曾妻馮氏沈信魁妻蔡氏沈惟瑞妻孟氏沈弘量

妻孫氏沈琳妻沈為慈谿思橋巨族家觀海鳴竊之間家衆至二千人多驍黠善鬪自嘉靖以來海寇上烏山燬鳴鶴縱橫蹂躪沈氏不惟自衛且能殲其渠魁奪其所掠賊甚讐之至是賊大至沈氏豪誓於衆曰無出婦女無輦貨財誓以死守不能者先戮之章氏亦誓於內曰男子死鬪婦人死義辱與死等耳衆婦皆踈聽既而賊圍沈氏羣婦聚于一樓賊散入戶章氏遽出投於河周氏馮氏繼之蔡氏方為天鵬刀賊已斫戶入蔡氏即以刀斫賊旋自刃孟氏孫氏娣姒為賊所得相持不放奪賊

刃自刺皆死焉思橋之難沈宗婦  
死難者三十餘其六人尤烈者也

### 王氏二節

慈谿縣志姜氏余氏婦如也遭倭變奔匿  
隣園賊窺見二婦拔刃迫之余赴池死姜

被亂刃死事詳  
孝子王應麟傳

### 茅氏女

籌海圖編年十四父母亡獨與兄嫂居其兄  
痿卧賊入縣嫂出奔呼之以行女曰吾室女

也去將安之俱去孰為扶兄賊至遽縱火女力扶  
其兄避於空室俱被燔灼而死二屍相摩綰焉

### 錢應文妻朱氏

舊浙江通志夫亡守志嘉靖間倭入  
寇負姑匿空舍四望俱爐獨所匿處

無恙奉旨旌表時有一女初字尚美衣飾賊執欲  
污之女詈曰汝賊也吾為儒家婦豈從賊耶逮殺

我當以頸血濺汝賊怒  
刀裂腹死惜其名不傳

葉潮妻戚氏

天啟慈谿縣志潮卒氏年二十一舉一男父欲移其志氏具木主書慕貞戚氏

預相於寢父恧而止孫維榮疏請得旨建貞節坊

馮可榮妻姚氏

天啟慈谿縣志十七而寡奉病姑撫遺腹守志八十五年百有一歲旌

王文達妻沈氏

天啟慈谿縣志十九而字逾年夫溺於江覓屍三日不得氏匍匐江渚欲

躍入江家人掖之喧沸間屍出重波觀者驚異氏抱屍歸葬夫志堅貞年七十終

沈氏三節

天啟慈谿縣志沈純臣縉臣紳臣兄弟也相繼天亡純臣妻方氏縉臣妻楊氏紳臣

妻范氏俱出自定海年俱未逾二十三寡相依求王之守垂老俱勵題請得旌

陳琰妻張氏

天啟慈谿縣志琰罹弱癘氏歸琰已將殆執氏手曰不來可也遂絕氏服闋歸

寧父潛受他姓聘給之他往以嫁之氏  
剪髮毀容堅不可奪竟歸陳後以壽終

馮魁姐

舊浙江通志父任工部郎隨侍京邸室內火

不具不可起且不可就兄抱為我謝父母有死而  
已其兄趨前強抱女投匿床下竟焚死年十四

張九經妻王氏

舊浙江通志夫亡守志涕泣喪明  
女適馮大純亦少寡操如其母

姜應元妻馮氏

舊浙江通志應元卒氏齧指血書一  
字於夫手以志從一之義崇禎中旌

費貞女

寧波府志錢文敏聘妻未婚而敏死訃聞女  
哭歸錢誓不反顧舅貧且老奉養惟謹獨處

一室治女紅以易菽水撫從  
子為嗣邑令汪偉題曰大貞

費貞女

寧波府志應汝金聘妻汝金亡費聞訃  
即慟哭臨喪矢志同穴年七十四而卒

沈性妻張氏

姚克周妻余氏

王祖禧妻孫氏

姚普賢妻余氏

姚鉢妻馮氏

沈愚妻周氏

馮默妻潘氏

陳銀妻錢氏

馮俊妻桂氏

阮奉先妻朱氏

王鎬妻李氏

姚澤妻劉氏

仇治妻王氏

葉宗倫妻向氏

朱明妻刁氏

張聖妻茅氏

馮柏妻王氏

葉桂妻楊氏

馬廉妻姚氏

劉鏐妻邵氏

葛蓁妻徐氏

劉鉞妻孫氏

阮本子妻童氏

姜鏞妻尹氏



秦璽妻王氏

秦錄母王氏

程廣妻林氏

鄭尚善妻張氏

馮讚妻劉氏

周汝仁妻馮氏

劉鑛妻姚氏

馮雲鵬妻湯氏

洪綱妻俞氏

裘沆妻馮氏

陳載道妻周氏

劉鎬妻鄭氏

馮少占妻陸氏

劉志登妻王氏

馮嘉隆妻陳氏

沈子英妻李氏

孫徵鶴妻秦氏

秦可立妻陳氏

秦之慶妻王氏

林大觀妻邵氏

周廷傑妻馮氏

馮若陶妻陳氏

潘居敬妻謝氏

潘居賢妻蔣氏

向志尚妻裘氏

馮若蒙妻鄭氏

馮起雲妻陳氏

俞賡春妻厲氏

張能信妻劉氏

洪彩德妻張氏

陳吾忠妻胡氏

周時芳妻陶氏

馮佺妻沈氏

顏志新妻向氏

袁象宏妻王氏

俞爾張妻韓氏

韓玉妻楊氏

姚孟寧妻王氏

林畏初妻楊氏

馮維棧妻葉氏

袁袞妻洪氏

邵應龍妻周氏

于正汾妻洪氏

沈純德妻王氏

姚元紳妻周氏

姚樟妻沈氏

張應科妻秦氏

阮廷獻妻葉氏

俞慶宗妻李氏 周有孚妻童氏 羅茂謙妻王氏

國朝

翁日登妻邵氏

寧波府志年十七歸翁即遭姑病邵顯天求代姑獲瘳日登旋卒矢志撫

旨建坊

孤言不踰閭順治五年具題奉表

張九臣妻孫氏

慈谿縣志九臣卒氏以姑邁子幼欲殉不可遂剪髮納棺矢志苦守康熙

十一年奉

旨建坊旌表

姚世登妻劉氏

慈谿縣志世登卒遺子女各一氏不以貧故易節松柏之操久而愈勁康熙

熙十二年奉

旨建坊旌表

董昌妻袁氏

寧波府志于歸未幾昌卒堅志守貞康熙十六年奉

旨建坊旌表

王歲妻馮氏

寧波府志歲早亡氏欲以身殉舅姑止之乃為之立嗣氏教育成立康熙三十

旨建坊旌表

鄭渠妻王氏

寧波府志年十八婚甫月餘而夫亡氏孝奉舅姑姑病衣不解帶大小家政綜

理井然康熙五十八年奉旨建坊旌表

沈鼎台妻姚氏

慈谿縣志年十九歸沈數月而鼎台死遺妊生子姑老家益貧孝養不衰

姑殘依母家以教子  
子阮亦能孝養其母

嚴士直妻沈氏

寧波府志氏孕三月而士直病屬之曰爾年止十九歲月甚遠所孕男女

未可知惟過姑無養使吾目不瞑耳氏曰天不絕君後必生男即女吾義當死嚴門姑養吾自任之士直死果生子君武娶於王舉三孫而君武亦死氏與王共撫遺孤相勵苦守年七十五而卒

秦文煒妻周氏

寧波府志年十七適秦不三歲而夫亡無子撫叔子棟為嗣事舅姑克盡

婦道遇事則身先操作為娣如倡守貞三十七年而卒以上三氏俱雍正三年具題奉

旨建坊旌表

陳躍雲妻羅氏

慈谿縣志結婚稿九月躍雲卒家貧紡績養姑撫繼子姑歿親自負土以葬

并葬其夫於翁姑墓側卒年九十三

岑式端妻陳氏

寧波府志年二十四夫亡子元甫一歲岑氏四世單傳不絕如綫氏泣血

毀容矢志撫孤時舅姑尚在凡生養死葬及其子讀書婚娶皆氏獨力仔肩孀居三十載以上二

氏俱雍正五年具題奉旨建坊旌表

葉承親妻柯氏

題旌冊年十八適葉丰載而夫亡弟海我以姊少寡且貧無後恐不能終

其節婦蓄一指矢曰所不終於葉者有如此指弟驚起謝遂迎養於家有貴官者柯戚也喪偶聞婦姿托隣媼諷之婦怒曰媼不知吾蓄指時耶吾不難一死以明志比媼出則闔戶投繯死矣家人救之得甦年七十七卒葉氏迎喪與其夫合葬焉

周偉妻於氏

題旌冊年二十適偉偉亡時年二十四子華正方幼穉氏教之甚嚴居常織紉

井臼外雖稼圃亦躬自督課歲節用以供甘旨舅姑歿喪葬盡禮人稱健婦守節三十幾年而卒

應日朋妻馮氏

題旌冊年十七適曰朋曰朋卒氏年二十六長子在抱次在腹家故貧乏

姑老且病氏力勤針紉奉湯藥手滌垢穢歷十載無倦容姑歿哀毀倍至棺衾喪葬靡不竭虔經營課二子讀書立志咸有樹立守節二十八年以

旨建坊旌表

愈秀妻華氏

慈谿縣志順治初年為邏卒所掠氏伏地大罵赴水死又上林陳氏婦何氏與

卒相抗被刃唐三十妻張氏自沉白石堰里人上三氏之節申憲旌表俱祀惠寵祠

童貞女

慈谿縣志袁光烈聘妻年未及笄聞光烈死號泣奔喪絕而復蘇臨窆欲自投壙中得救

乃止旋聞父母欲議  
婚他姓即閉戶自縊

王孝女

慈谿縣志名盧姐性至孝母歿柩殯於室夜  
半火起家人倉皇走孝女往柩前哭呼救昇

無應者大漸逼則以身翼蔽母棺已而  
火及終哭不出遂焚死時年止十七

周宗宰妻沈氏

慈谿縣志夫亡無子歸依父母聞父  
母欲奪其志往夫墓一慟幾絕遂不

食數日而死  
時年二十五

謹按舊通志  
作姚宗宰妻

李貞女

慈谿縣志鎮海人許聘邑人葉敬斯敬斯卒  
女聞訃悲號請歸葉治喪父許之立姪為後

會族子葉遂良亦卒其妻應氏暨  
妾某氏三寡同居至六十五歲卒



沈惟賢妻宓氏

慈谿縣志生一女而唯賢卒氏年十二久之母以其無子而守為空自

苦氏即引刀剔左目以明志  
血流暈地歷守三十年而歿

周洪吉妻秦氏

慈谿縣志幼許字洪吉洪吉入京洎歸娶氏年已二十七逾歲而洪吉卒

洪吉母溺愛諸女諷令改圖氏兩撫繼子俱為諸姑所逐其後家日落或覲止升合姑猶以愛女故持去氏下氣怡色承之姑始感悟而氏已死矣時年五十六

沈氏二節

慈谿縣志方氏配沈懋祖岑氏配沈大鼎方年二十而夫亡遺孤週歲岑年二十一

夫被盜害遺孤三歲二氏勵志共守教子成立各至七十餘而卒

向升元妾趙氏

慈谿縣志生一子甫週而升元亡時嫡母早卒氏獨撫孤子有迫之改適

者氏截左手無名指誓曰離向門者有如此指族衆遂止已而為予娶婦生孫子婦又俱死拮据撫

孤年八十  
六而歿

馮京第妻葉氏

寧波府志京第死婦以行纏作縲挂梁間就縲而絕

羅秀吉妻鄭氏

寧波府志年十九而嫁二十三而寡家貧無後母欲令改適氏曰有舅姑

在代夫奉養職也已而舅姑相繼亡母復迫之再三氏不為動一日母踰牆至聲色俱厲曰吾已受

聘財令汝為某氏婦明日肩輿至矣先是氏聞母言必慟哭至是陽如平常人頗疑之入夜扃戶篝

燈密紉其衣至夜分侵曉某氏輿至辭以粧未畢久之寂無人聲其母排戶入則投縲死矣周身衣

袂聯結甚固越五日始殮盛暑顏色如生

邵貞女

公舉事竇邵允耀女名淑姐年十七許字周其栢雍正十年其栢病歿女號泣不欲生請

於母往視含殮母以未結禱為詞強止之女乃製殮衣剪髮一縷遣所親納其栢棺中隨登樓自縊

年甫十八

錢文奎妻劉氏

錢文芑妻張氏

沈大縉妻馮氏

陳諍妻張氏

馮應鐘妻張氏

王悅言妻陳氏

秦法祖妻顏氏

姚世高妻葛氏

王國彪妻姚氏

徐兆武妻向氏

魏維文妻王氏

桂茂秋妻周氏

王長祚妻姚氏

葉鼎英妻陸氏

劉純熙妻姚氏

劉開宗妻應氏

傅子咸妻陳氏

王廷魁妻章氏

劉履奇妻馮氏

周明傑妻陳氏

王子龍妻葉氏

邵焜妻劉氏

洪紹周妻王氏

沈時賚妻俞氏

馮德元妻蔡氏

馮蘭芳妻陳氏

秦奕妻姚氏

韓鯁臣妻陳氏

李旭妻葉氏

馮懋行妻林氏

裘永明妾劉氏

王天興妻顧氏

奉化縣

宋

董軫妻王氏

成化四明郡志未成婚而軫亡或勸改圖王氏誓不許其姁有娠指而言曰吾

得姁一男足以興董氏矣未幾果得男立為嗣長名之邵以義舉入仕紹興間轉修武郎乞恩侍養

封孺人

舒立妻王氏

成化四明郡志年十九歸舒三月而夫亡後媒妁踵至王曰雖父母有命我志

不可奪也有田僅數畝為養老資守節終身壽八十八卒

陳自強妻戴氏

成化四明郡志年二十歸陳未逾年而夫亡父母欲奪而嫁之以死自誓

壽八十卒鄉人稱為清臺節婦

元

朱春妻舒氏

成化四明郡志名淑初年二十歸春得一子而春亡勤紡績以養舅姑訓其子

容曰爾父不幸早亡爾讀書以酬父志死無憾後容果被薦官至祕書丞

江文鑄妻范氏

元史本傳名妙元年二十一歸江及門未合色夫忽以痼疾卒范曰我既

入江氏之門即江氏婦也豈以夫亡有異志哉遂居江氏家撫諸姪江森江道如已子卒年九十五

舒燕妻徐氏

成化四明郡志名德柔年十九歸舒甫半歲燕卒有娠產男名季興母家憐其

貧欲奪志徐曰我若再醮舅姑將誰托寧餓死不為舅姑歿殮葬如禮訓子成立鄉黨聞於官旌其

其門

陳紹庭妻汪氏

成化四明郡志名本奇歸陳四載夫亡無子伯姒方娠生子鑄氏乞養為

子父母憐其貧欲奪其志乃於夫墓穿窬其側以示同穴後因故廬穴僑居郛城遂為郛人至正年旌

### 陳氏五節

輟耕錄陳氏婦以貞節稱者五人初陳元娶竺氏生子侗而元卒竺年纔二十二義

不再適後三十三年卒侗娶璩氏生子瑞泰二人侗亦歿璩年二十六後五十八年卒瑞娶王氏生子通甫而瑞復歿王年三十後五十五年卒通甫娶樓氏樓甫筭歸於陳至二十六而寡父母欲奪其志泣不從其姑王氏年老樓事之尤謹姑卒殮葬悉如禮子養才娶樓氏生子孟雍孟熙而養才卒樓年二十六所守如其姑云

明

李氏二節

貝瓊雙節堂詩序李公復祖母沈氏年二十生子七月而寡既長為娶兄之女為婦

生二子亦寡二母老號雙節堂

戴德祐妻項氏

舊浙江通志祐兄德彛為拾遺祐往省之值燕兵入都德彛被殺祐死氏

知度禍及召族人急焚戴氏譜欲名捕之氏以無譜對使者痛利之執語如初乃以大熾鐵鉗燒之胸乳皆爛身無完膚卒不承於是罷其事

宋原用妻石氏

兩浙名賢錄字景榮鄱陽石思孟女原用任鄱陽教諭因娶焉原用卒氏

年二十六二子俱幼母氏欲留之石蓄指自誓遂奉喪歸及抵家糧無夙儲艱苦殆甚舅嘗患痢石衣不解帶手滌廁踰晝夜侍藥靡無倦色勤紡績以資二子學宣德年旌門



竺公能妻袁氏

成化四明郡志名秀芝年十八歸公能公能卒袁年二十四值歲歎多艱

姑趙患痢閱兩月氏衣不解帶浣污穢無難色疾傳染舉族氏獨無恙人以爲誠孝所感後舅姑繼亡營葬畢繼母欲奪其志乃斷指以絕其意撫遺孤曰端曰恢讀書力田天順年旌表

趙孝女

兩浙名賢錄趙鎮女父母連喪女時年十八尚未納采弟淫幼女念無撫淦者遂誓不嫁

育淦長成至娶妻生子曰英曰豪時年四十士大夫重其德欲令歸於貴族而其弟旋沒女又誓不嫁以撫二姪比英豪繼歿又撫英之子諫宗祀賴以不墜

許氏二節

嘉靖寧波府志如王氏許福延妻年二十一福延亡姊王氏許福員妻年二十三福

員亡相與砥礪守節有司旌其實以聞通姊氏歿惟如氏得旌表云

宋昆妻周氏

兩浙名賢錄昆死氏年二十一盡鬻衣裝以殮自負土以葬未幾姑與子相繼

亡復負土葬姑如其夫有富人欲求為婦使隣姬袖金環以諷曰一門盡矣無一瓜之覆一壠之植

若何恃乎婦堅不可奪假祖屋簷下縛茅以自存艱苦之狀人不忍見婦甘之如飴竟以節終

嚴氏二節

嘉靖寧波府志陳氏嚴九霄妻九霄卒姑年老多疾遺孤在懷罄資奉養姑恐其年

少不終以語試之即大慟矢節自完正德辛未旌其門姪婦王氏嚴龍妻年二十五夫亡其節亦如

陳氏云

王紡妻阮氏

嘉靖寧波府志年二十七紡卒母百計誘之終無他志夫兄利其資又強之不

可遂盡以氏田鬻諸人使無所衣食以困之氏亦不與較但躬織紉忍飢寒年七十四卒

竺欽妻陳氏

兩浙名賢錄嘉靖丙辰五月倭入奉化氏少艾與夫携姑及女而逃至徐家渡

倭追甚逼陳度不能脫言於姑曰辱而生寧不辱而死遂令夫負其姑自抱女投水中死

董氏三節

奉化縣志竺氏董源濟妻夫亡子死幼節自甘子長娶范氏生子恒五月而死辛苦

恒娶鍾氏又卒遺孤一歲三婦皆貞淑知禮孝姑慈幼嘉靖年旌其門

舒氏二節

奉化縣志舒環妻張氏環卒子浦八歲張年二十八守志紡績不出戶庭浦長娶鄭

張氏一期而寡姑曰我寡幸有子汝曷守乎婦曰姑在婦安往茹養衣素雖至親亦莫識其面後旌

鄔氏二節

舊浙江通志鄔孟斐妻陳氏生子元孝夫亡元孝長娶婦任氏亦早歿無嗣二寡矢

志甚堅旌曰

兩世幽貞

王貞女

兩浙名賢錄許嫁周濂未娶濂病革索見其妻母送女至門濂一見而絕王即守喪辭母

誓不返終身無變志

李某妻呂氏

寧波府志李可教之子婦夫卒舅姑俱亡氏年二十貧無子父母欲嫁之誓以

死守紡績撫幼叔長為之娶妻生子女叔妻死氏教養如已出為猶子娶婦舉四子氏又同撫之三

世七人俱受鞠育

胡貞女

寧波府志王繼美妻未娶而卒女易服絕食日夕哭泣而病病卒目不瞑許與王合葬乃

暝時年甫十七

傅氏二節

奉化縣志范氏傅邦奎妻年十八守節奉姑立姪繼志為嗣娶樓氏繼志又卒樓年

二十奉姑以孝教二  
子以義萬歷間旌表

### 王堯龍妻唐氏

寧波府志年二十而寡矢志自守有  
貴公子欲娶之族之役者設計欲縛

載車中婦懼不免遂自縊隣人救而防守之婦即  
剪髮毀容以止其謀邑令蕭萬斛嘉其節賑給之

### 戴氏二節

寧波府志汪氏戴祐妻年二十祐卒三子  
在襁褓柏舟自誓足不踰閭中子簪娶周

氏簪卒與姑同守事姑  
惟謹數十年如一日

### 王氏二節

奉化縣志陸氏王元文妻歸二年而元文  
死無子父母欲奪其志剪髮誓死遂立姪

有年為後長娶周氏期年舉孫而有年亡周攻苦  
績繼同姑守志五年周又亡陸撫孫及長營葬三

喪年八十而卒

鄔氏二節

奉化縣志汪氏鄔寧宇妻年二十夫亡撫孤默吾長娶楊氏三年生子心葵默吾又

卒楊年二十一矢志不易事姑訓子壽俱八十餘卒

鄔應魴妻蔣氏

寧波府志許字應魴應魴病父欲渝約女曰大人以兒許鄔氏即鄔氏之

身也宜亟往侍湯藥父知不可奪即扶病成禮未幾夫沒以從子鼎臣為嗣矢志守貞有司旌之

陸元善妻汪氏

單仲饒妻童氏

史文可妻吳氏

陳文昕妻宋氏

韓彬三妻黃氏

余慶怙妻馬氏

袁公桓妻王氏

應承完妻繆氏

宋玻妻竺氏

曹琨妻劉氏

項愔妻曹氏

王綬妻應氏

王溥妻胡氏

周洪妻呂氏

蔣慶祥妻仇氏

王樽妻張氏

舒保正妻李氏

周立政妻項氏

孫祖賢妻趙氏

鄔學禮妻鄭氏

俞尚聲妻錢氏

戴訓妻趙氏

胡鈞妻王氏

王元浹妻項氏

周汝昌妻原氏

田祿妻徐氏

鄔應鶚妻董氏

項世隆妻陳氏

王舜憲妻俞氏

王宗禮妻洪氏

孫純妻呂氏

張五常妻蔣氏

張珣妻葛氏

周應奎妻繆氏

應喬趙妻張氏

周朝信妻應氏

項可誠妻戴氏

項斯猷妻孫氏

嚴璫妻孫氏

嚴瑚妻徒氏

嚴瀚妻唐氏

沈怗妻俞氏

戴某妻舒氏

嚴問策妻王氏

嚴問經妻俞氏

舒三昌妻周氏

沈一中妻俞氏

劉檉妻孫氏

胡崗妻周氏

王袖妻李氏

鄔士瀛妻黃氏

孫國棟妻胡氏

國朝

周新學妻鄔氏

題旌冊年十九適周閱六年夫亡翁繼歿遺孤方幼而家又燬於火氏艱



苦備嘗警無他志事姑孝  
姑歿自營喪葬撫孤有成

鄔釗明妻沈氏

題旌冊年二十八而寡家貧子幼上

歿喪葬如禮復營葬其夫於墓側育孤成立卒年  
九十五以上二氏俱雍正七年具題奉

旨建坊旌

表

周祖德妻項氏

題旌冊年十八適周二十一而寡子  
甫週歲翁早亡嫡庶二姑在堂氏以

弱女子主持門戶不數年家又燬於大棲身無所  
備嘗艱辛卒能復構數椽養二姑以終天年撫幼  
子以延似續人稱女丈夫守節五十六年雍正十  
年具題奉

旨建坊旌

表

周立德妻陳氏

寧波府志年二十四無子夫亡矢志守貞紡績自食蔬糲不給繼以糠粝

終身不踰閭  
卒年七十八

孫懋孳妻徐氏

奉化縣志年二十五而夫亡遺子嗣顯甫五歲氏矢志不移茹荼自甘女

名春前婦駱氏所出適周志琛早寡無子貧甚歸與母同守人稱母子雙節

孫自捷妻陳氏

奉化縣志年十八適孫家甚貧甫一年自捷病歿氏日夕抱尸而泣誓從

夫地下勺水不入口父勸之食不從踰十三日遂亡

江貞女

寧波府志名金姑許字駱氏子駱病篤舅姑因迎氏歸入門駱已垂絕翌日卒氏即為行

喪或曰爾未為婦理得歸江何自苦氏曰入門即婦知行婦道而已年八十始歸寧謂宗人曰我今

就木矣白壁全歸可見先人  
於地下也年踰九十而卒

沈三壽妻周氏

寧波府志年十八夫病迎氏歸沈故  
流寓為傭家赤貧氏典衣以供醫藥

甫兩月夫亡父母與姑欲其改適氏不可其兄強  
之氏哭於夫墓歸着嫁時衣遍紉之幼姑問故曰  
不欲使視尸者見吾體也閨戶自經媒入門而氣  
已絕矣隣里聞之官時方酷暑閱三日縣令往視  
尸不變杖其兄  
及媒而旌之

樊堯智妻夏氏

寧波府志年十七歸樊越五載而堯  
智病歿遺腹生男又天其父令改適

氏持刀自刺殞絕復甦自是  
終身不歸寧至七十歲而歿

胡雲會妻沈氏

寧波府志雲會卒氏年二十二子方  
匝歲族有不肖者誘之他適氏怒曰

吾所不死者以上有垂白下有黃口耳豈偷生  
作禽獸行耶飲水食藥以教其子年七十而卒

董元僖妻陳氏 何大哲妻馬氏 方雲璘妻胡氏

丁振甲妻宋氏 唐名鎰妻吳氏 周之桓妻單氏

鎮海縣 舊名  
定海

明

劉氏二節

嘉靖定海縣志翁氏劉道妻道卒翁年二  
十一姑老子幼孝養撫育名其子曰惟成

娶沈氏未幾惟成亡沈年二十四遺腹  
一子三歲而亡姑婦相依勵志益堅

傅烈女

籌海圖編嘉靖中昌國傅粹女年十七美姿  
色未嫁寇猝至家故瀕海遂為賊所得女即

以石自破其面流血塗地賊怒磔之

李烈女

籌海圖編昌國人寇至執而欲污之李罵賊不屈竟死之

葉小九妻嚴氏

籌海圖編為賊所執驅之而前氏知不免遂投河而死

黃氏二節

明列女傳孫氏惡谿人歸定海黃誼昭生子潯未幾夫卒孫延師教子長求兄女為

配甫三年生二子潯亦卒時田賦多令民自輸姑婦相率攜子僕輸賦南畿訴尚書蹇義言潮為患十年九荒乞築海塘以障居民義曰如此孤苦何為不嫁對曰餓死事小失節事大義嗟嘆久之次日即為奏請遣官與有司相度成堤起自龍山迄於觀海永免潮患慈谿人廟祀之

黃鶯妻周氏

嘉靖定海縣志慈谿人年十九歸定海黃鶯甫三月鶯有事南畿道病還閱兩

月而亡有遺孕後歸寧母氏諷奪其志輒忿泣趨  
簷下欲觸破甕以死二嫂急持而止即日徒步歸  
黃深居不出生子橋教  
育成立有司奏請旌表

**葉餘妻嚴氏**

舊浙江通志嘉靖壬子倭寇猝至執婦  
欲污之不從乃縛之去將及舟婦紿曰

少寬我我即若從寇信  
而解其縛遂投海死

**金傑妻徐氏**

明列女傳慈谿徐氏定海金傑妻成化  
中傑兄以罪逮入京傑往請代瀕行徐

已有身傑謂曰余去生死不可知若生男善撫之  
已而果生男無何兄得還傑竟瘐死徐撫孤慟曰  
我本欲從汝父地下奈金氏何強營葬事服闋父  
母勸他適截髮斷指自誓攻苦六十餘年視子孫

再世成  
立乃卒

詹氏二節

嘉靖定海縣志張氏詹思妻年二十四思卒撫孤鳳長娶吳氏期年而鳳亦卒家徒

壁立姑婦攻苦

茹淡並稱完節

張棟妻李氏

嘉靖定海縣志戊午冬倭賊據柯梅棟夫妻被執賊殺棟李號哭痛罵義不受

辱賊磔之

范氏二節

舊浙江通志范應祥妻朱氏范應瑞妻汪氏朱年二十一而寡汪十九而寡朱髡髮

自矢汪哭夫目皆血裂二妾秉志如一天

啟辛酉朱氏子我躬舉於鄉詔旌其門

李德妻呂氏

定海縣志天啟間德充營兵守舟山病卒計聞呂哭曰夫死何以生為姑老子

初有伯氏在言卒遂赴井死旌曰東鄉烈婦并立祠祀之

徐貞女

舊浙江通志許字鄞人楊士譽士譽卒女哀經臨喪慟哭自誓遂留不去天啟間旌

戴貞女

寧波府志許字方世顯甫納米而世顯死女痛哭欲奔喪父母有難色女曰往弔即隨與

歸矣許之至門遂居苦次服衰經父母兄弟欲一面不可得守志終身

王貞女

定海縣志許配吳姓寧俗舅姑有病迎婦於門謂之衝喜吳母適病欲迎婦約晨往夕歸

女適病疽以次女代往吳竟留婚父母曰當為汝再擇佳壻女堅矢不復嫁遂以處子終其身

陳尚友妻方氏

舊浙江通志能詩尚友卒遺孤甫三

絲牽一載紅鏡分鸞影夢魂通幾回欲就松筠賦羞見兒童誦凱風議遂寢

李應元妻姚氏

定海縣志應元早世姚年二十七子幼家無卓錫織紡養姑姑病侍湯藥



忘寢食姑死  
竟哀毀而卒

### 金玟妻周氏

定海縣志年十七適金期年而寡舉一

一指可愈姑病遂斷指煮汁進曰藥也姑啜之無何強健如常有司月給粟帛旌其門

### 魏貞女

定海縣志字淑英許字方綱未歸夫歿詣夫家親具含殮問夫所卧病小樓遂居之終身

不復下天  
啟間旌

### 林氏二節

舊浙江通志李氏林穎新妻劉氏鼎新妻劉通文墨能詩時定帥蓄異志為亂李劉

以死自誓李嘗提幼女用色綵繫其臂而泣劉於所臨黃庭本尾書生有命死有命生兮妾心危死兮妾心定數語及變起李劉各繫帛自勒穎新兄弟急解之李已不可救劉復甦謂鼎新曰一死一

生人謂我何遂絕李  
年二十二劉年十九

湯彥敬妻蔡氏 畢儒妻陳氏 陶善慶妻劉氏

鄒誠妻黃氏 樂恕妻王氏 鄭憲妻周氏

楊瑄妻汪氏 沈歇妻鄔氏 韓克相妻阮氏

黃侑妻劉氏 徐潭妻湯氏 樂某妻陳氏

周廷棋妻莊氏 朱昂妻吳氏 董相妻蔡氏

俞文光妻王氏 莊昊妻傅氏 王廷玉妻謝氏

貝效妻鄭氏 朱燧妻盧氏 朱和妻施氏

金大用妻沈氏 陳杰妻沈氏 謝崇妻楊氏

林景昭妻張氏 張和妻黃氏 王克誠妻陶氏

黃江妻傅氏 趙應龍妻虞氏 鄭一賢妻李氏

胡世美妻汪氏 陳一策妻朱氏 武愛文妻陳氏

薛三祝妻李氏 沃惟聰妻洪氏 沃我元妻張氏

胡世保妻周氏 柳濟妻虞氏 桂應秋妻鄭氏

桂一枝妻史氏 胡澤妻韓氏 胡珮妻何氏

倪毓椿妻張氏 韓鉞妻鄭氏 謝子馨妻賀氏

謝棟妻邵氏

劉太華妻湯氏

臧長裕妻陳氏

鄒文瑞妻王氏

張應瑞妻周氏

竺尚文妻周氏

謝應魁妻丁氏

胡尚質妻張氏

孫壽祖妻胡氏

俞錫妻胡氏

周錦妻沃氏

臧允行妻江氏

陳嘉猷妻朱氏

周鳳正妻王氏

妾李氏

施光弘妻李氏

國朝

丁啟新妻傅氏

寧波府志順治己亥海寇猝至啟新偕氏攜一五歲子將往避出門數百

步聞喊聲傳謂夫曰勢迫矣  
右宜善顧此子自沉水中死

### 胡氏二節

寧波府志應氏胡定隆妻楊氏胡定慶妻  
婦如也聞警避山間寇索得逼之堅拒乃

以刃加于腹恐之拒益甚曰寧殺我遂俱為所刃  
時應有兒在抱應死兒猶伏胸吮乳也時又有樂

惟豫媳李氏沈邦王媳趙氏樂日新  
妻崔氏丁秉乾妻張氏俱不辱死

### 嚴氏二女

鎮海縣志嚴日宣女長名大姬次名蓮寇  
欲犯之二女罵曰我名家女豈可污辱罵

不絕口俱被刃蓮以兩手  
覆面刃中額死十指俱落

### 邵氏女

寧波府志名貞邵元聞女許字鄭人張美南  
寇至從祖母避難懼為所逼欲自縊祖母止

之女曰邵固儒家張亦官族  
身或受污死晚矣遂赴水死

謝應詰妻俞氏

寧波府志已亥夏同羣媼避寇宋寧  
嶺俞年最少寇至欲犯之俞抵死不

屈以梁貫其胸罵猶未已寇截其首懸竹杖而去  
又胡氏張順妻避難東岡硯遇寇投江死王氏李

光斗妻寇至投王家溪口井以死又某氏樂璋妻  
投水死周氏謝子泉妻張氏表獻徵妻俱罵賊被

死刃

胡氏女

鎮海縣志許字張武曾之子同母避難  
棲霞嶺寇強逼之不從斷其脰而去

沃氏二節

寧波府志王氏沃啟文妻其女甫及笄許  
配餘姚胡某啟文聞寇變挈其子以逃王

亦挈其女同隣姬行見勢猖獗慮不免給其女曰  
父歸矣汝速往招之同來女行未數武王即赴水

死女回顧慟絕隣姬強之行女曰  
吾不忍舍母而去也亦赴水死

吳正佑妻李氏

寧波府志遇寇不受辱以腰縑自勒死其姑李氏祖姑樂氏皆以節著而

李又以

烈死

沃元妻劉氏

寧波府志元病歿以死自誓乃親含殮送葬畢潛至元塚上以帛自勒死年甫

二十謹按鎮海縣志作沃變元妻

戴氏三節

鎮海縣志余氏戴雙槐妻生二子年二十七而雙槐亡艱苦自守陸氏戴汝良妻張

氏戴汝芳妻皆余氏媳也陸生子姓而汝良死張生子嘉賓嘉錫而汝芳死年俱二十二二氏相依奉姑撫幼雖老未嘗越閨閭年俱七十而終

沈邦臣妻李氏

寧波府志適沈逾年舉一子而寡又逾年子亦不育李偕姑織作完二叔

婚及仲生子立為後身教之成立年七十餘卒先是李育義男士昇娶婦陳氏年十六適年亦寡有勸之改適者陳持刀截髮與李相依以終其身

吳大名妻樂氏

寧波府志大名客死遺女甫三歲子甫匝月氏灌畦治蔬夜則篝燈紡績

鄉里稱之女適李必茂充營兵挈之赴廣生一子必茂以事杖斃同役有強娶之者吳斷髮自矢焚夫屍負其骨携幼子歸

王氏二節

寧波府志倪氏王道盛妻沈氏王道貫妻娣姒也倪生子錦年二十三道盛亡沈生

子鐘年二十五道貫亡皆以青年矢志撫幼成立各有孫

丁輔妾姜氏

寧波府志名性善年二十四輔亡僅遺一女嫡所生子年亦幼性最暴氏絕不



介意竭力撫育及長婚娶  
後卒不合依其塚以終

烏奎明妾何氏

寧波府志嫡王氏生子光新而王歿  
未幾奎明亦卒氏年二十六遺孤二

值歲歉以薄糜啜已子以飯食王之子已所  
飽者糠覈也時或吹烟久絕教子誦讀自若

劉大妻夏氏

寧波府志劉雙目俱瞽且貧甚常丐  
食而氏歡愛無間大卒氏亦自縊

徐某妻唐氏

寧波府志年二十一歸徐木工也生一  
女在襁褓而夫卒婦思年少貧無依遂

鬻女治殮葬  
事畢自縊死

李孝女

寧波府志李經女父早卒母孀居十載一日  
母病有術者言母女年命相犯女期以身代

潛服

酒卒

胡邁妻李氏

崔國彥妻張氏

韓曇妻李氏

劉汝度妻宋氏

俞應祥妻邱氏

高登第妻林氏

劉鳳翔妻王氏

趙譽明妻邱氏

傅淵如妻蔣氏

范兆芝妻謝氏

李適館妻王氏

朱良材妻鄭氏

象山縣

元

陳汝楫妻徐氏

王禕陳孝婦傳名妙梓歸陳事舅姑盡婦道大德丁未歲大侵孝婦盡出

僮具易粟為養而自采蕨根蔣葉以給後舅姑物故樞停於家一日隣舍火婦以身捍樞號天慟哭

誓與俱焚大且及左右曳使避婦哭垂絕不為動俄而返風火轉樞得不燬人謂孝感所致

明

周彥博妻王氏

嘉靖寧波府志年十九歸彥博生一子夫喪時年二十二矢志不他適教

子繼先世之業守節五十年洪武年旌

俞訓妻周氏

嘉靖寧波府志名景年十九適俞育二子夫亡家日落幾不能自存日抱孤而

泣曰未亡人即寒餓有死而已以織紉自養課子有成卒年八十二

林某妻夏氏

舊浙江通志嘉靖三十年倭破昌國氏被掠賊欲污之不從乃殺一他婦以恐

之又不得持石擊賊賊怒舉刀破其脰而死

王憲維妻邱氏

籌海圖編賊刦西山至憲維室時夜分賊欲汚之邱氏不從執木棍擊之

中賊首賊以刀刺其腹而死

王仁益妻張氏

舊浙江通志嘉靖四十年島寇入境氏適歸寧父為賊所殺氏抱父屍痛

哭賊欲犯之不從舉白刃以示氏即奪刃自刎死

鮑德斌妻陸氏

象山縣志名莊歸德斌為繼室前室生五子莊生二子德斌卒莊年二十

四父母欲奪其志莊曰夫以七子相托吾去真此曹何地耶以死自誓撫七子慈惠嚴肅人無間言

蔣邦沛妻陳氏

兩浙名賢錄名金夫染瘵疾死乃沐浴更衣斂手足潛自服毒謂家人曰

吾身殊不快即假寐夫側既而呼之氣已絕矣

俞衝妻王氏

象山縣志島寇犯境衝戰死氏年甫十七時孀姑在堂幼子在抱家故壁立旦

暮治織絰佐姑膳姑歿歲且饒有奪之再醮者抱子泣曰吾所不獲從地下以此藐孤耳剪髮自誓

垂死足不踰戶

張烈女

舊浙江通志年十六里豪康某欲強聘之不從康遂陷害其父女號泣曰寧為玉碎無為

瓦全遂扁戶絕粒七日死旌曰貞孝

吳旻妻俞氏

象山縣志年二十一夫死二子在襁褓有富人欲娶之遣媒至以正色拒次日

再至則截髮又次日復至氏泣曰不死不足以明志乃閉戶自經家人辟戶救之獲生家日落拮据

餬口訓督二子有成

翟可望妻蘇氏

象山縣志年三十遇歲荒夫謀鬻之以全生事既成氏閉戶縊死墓館而

殮天暑氣溢行人咸呼烈婦香

鄭子羽妻潘氏

舊浙江通志年少而美遭寇亂衆奔逃氏以姑病不忍去賊至持刀脅之

不從逼之遂大罵賊怒碎身而死

顧應滂妻王氏

周宗仁妻韓氏

應紀妻胡氏

鮑良表妻何氏

章景法妻黃氏

謝仲輝妻翁氏

姜增吉妻周氏

駱雲和妻陳氏

錢守寰妻張氏

國朝

劉國相妻林氏

寧波府志年二十適劉生一子起鳳甫五月而夫亡含哀治事矢志撫孤

值海寇兩陷象邑氏扶姑挈子遠匿得免備嘗百苦課子有成康熙五十一年奉

旨建坊旌表

丁永祥妻李氏

寧波府志早歲喪偶誓死靡他孝舅姑生養死葬無失禮撫遺孤督訓有

成雍正三年具題奉旨建坊旌表

張文綸妻黃氏

寧波府志文綸家故貧舅姑老育子起先甫三歲文綸卒氏年二十五堅

持苦節朝夕織紉以奉舅姑撫遺嗣清操四十餘載

麻必勝妻王氏

寧波府志年二十六而寡孝事舅姑姑病籲天割股以療之撫二孤艱苦

備嘗守節二十七載 以上二氏俱雍正五年具  
題奉

旨建坊旌  
表

潘大貴妻林氏

題旌冊年十八歸潘後姑遇之不以  
禮委曲承順既而夫染癘疾卧牀不

起膿血流衽席間污穢不可近氏侍奉湯藥數載  
無少懈及夫歿氏年二十八哀毀骨立竭蹶營喪

葬撫遺孤苦  
節三十七年

錢拱妻林氏

題旌冊年十九歸錢夫亡氏年二十四  
子式文甫三歲姑老舉動需人氏朝夕

扶持寒暑無間康熙乙卯丙辰間叛將兩次破象  
城剽掠婦女居氏逃竄氏度不能脫乃薙髮作男  
裝携子匍匐三十餘里避匿大坑地方始得免事  
平歸教子讀書能文章苦節四十五年 以上二



氏俱雍正七年具題奉  
旨建坊旌表

馬嘉美妻吳氏

題旌冊年二十四而寡康熙丙辰叛將陷象城鄉人勸其逃竄氏曰老姑

在堂亡夫在殯兩孤在襁祿去將何之死於野無寧死於家及寇至欲掠氏去不從揮刃斫之仆地

賊去救甦家貧事姑孝訓二子有成

史壽龍妻王氏

題旌冊年十九子歸舅歿氏相夫奉姑生事死葬咸盡禮未幾夫病劇語

氏曰汝娠三月幸生男善撫之遂卒既而生子一經以養以教迄於成立氏性好施里中有貧而鬻

妻者出所積贖之死無棺者殯殮之又置義塚一區收瘞枯骨卒年八十二以上二氏俱雍正八

年具題奉

旨建坊旌表

表珽妻史氏

題旌冊年十六歸珽二十五而寡一子  
僅歲餘姑老矣時臥逆寇城扶姑抱子

竄匿山谷間雜採木實草根以食卒能全身遠害  
事平歸里家益落朝夕勤十指以奉姑育子同族  
伯叔有歿者其娣如俱棄子女而改適氏  
收養之里人稱之曰衆母卒年七十有二

林大器妻陳氏

題旌冊年十七歸大器大器亡氏年  
二十六時姑已六旬遺孤四人皆幼

家貧甚啼飢號寒氏代人紡織以養姑畜子子未  
長而姑又亡乃鬻所居以營窀穸四子稍長課之  
讀書亦不廢耕卒年五十六以上二氏俱雍正  
九年具題奉

旨建坊旌

表

錢繼龐妻陳氏

題旌冊年二十而歸錢奉事舅姑備  
極色養夫亡家業蕭條歲復飢饉而

甘旨無缺翁姑歿經營喪具能盡禮子亦克遵母教得繼家聲守節四十七年

### 王嵩妻鮑氏

題旌冊年二十七而寡子方三歲泣血撫孤雖家道日落而饘粥以奉其孀姑

姑歿勉具喪禮性尤淑慎喜慍不形於色守節二十七年以上二氏俱雍正十一年具題奉

旨建坊旌表

### 史登賢妻周氏

題旌冊年二十五夫亡舅姑老子甫三齡時邑遭叛將羅萬里寇亂氏斷

髮毀容佯為瘋疾以保身事平值歲侵領賑粟養舅姑育子而已陷糠粃舅姑歿營喪葬畢室廬復燬於大依棲無地艱苦備嘗卒能撫孤成立守節二十九年雍正十二年具題奉

旨建坊旌表

王有士妻鄭氏

題旌冊年二十六夫亡遺三子俱幼舅姑垂白家赤貧氏紡績以供饘粥

舅姑歿竭慶營喪教子具有法度守節二十六年

錢守還妻張氏

題旌冊年二十五夫亡氏績麻易米養舅姑飼幼子已常竟日不粒食子

長娶婦甫生一孫又歿舅姑繼歿三喪並舉復撫孤孫常告之曰我完汝家四代事無忘我苦心也

守節四

十九年

黃霞妻仲氏

題旌冊年二十六而寡子方孩抱氏勤機杼養舅姑教子得遊庠序守節二十

九年

吳珥妻倪氏

題旌冊年二十四夫卒子甫六歲舅姑已早逝未葬氏即卜地營宅兆教子問

學有聲庠序守節四十二年

梁有禮妻杜氏

題旌冊年二十六夫亡姑老四子俱幼貧無寸土值歲侵紡織易粟以供

老幼未幾姑繼卒驚居室營葬身處敗屋中教子讀書亦不廢耕守節四十四年

郭兆章妻陳氏

題旌冊年十九夫亡遺孤在襁褓家故貧藉女紅自給舅姑歿驚地以葬

并附夫於旁守節四十二年以  
上六氏俱雍正十三年具題候旌

吳三畏妻袁氏

寧波府志順治十五年海寇登劫見氏欲污之氏不從賊揮刀斫死

周觀光妻吳氏

寧波府志康熙十五年海寇陷城被執不從投城南池中死年三十八時

有徽州人何伯元者携妻妾寓居象東門伯元卒城陷二婦恐遭賊污並閉戶自經死其姓氏無考

史龍錫妻謝氏

寧波府志謝逢女歸史生一子康熙十四年叛將從逆逢死之次年復陷

象剝掠婦女氏恐污欲自盡或勸之少待氏曰賊勢猖獗稍緩將求死不得且吾父死於賊此身何

復為賊困耶卒自

經死時年二十八

陳有楷妻張氏

寧波府志生子未幾有楷卒張撫孤惶成立娶婦兩期惶病死孤孫無依

氏痛哭不下咽  
絕食七日而殞

錢珽妻黃氏

倪一治妻史氏

錢瑞廷妻張氏

陳震聲妻俞氏

林玉鼎妻葛氏

陳鼎妻王氏

謝先勛妻胡氏

邵重光妻汪氏

鈕安瀾妻周氏

周法雲妻俞氏 朱際飛妻謝氏 周承烈妻獨氏

魯良珠妻張氏 張三加妻潘氏

定海縣

國朝

洪爾文妻史氏

定海縣志鄞人適定海洪爾文爾文戚屬陳紹者艷氏色往來其家一日

爾文遠出夜半紹徘徊而入擁氏求合不從則以兩手扼其吭氏力脫喊救紹急取繩纏氏頸意其怖死從之也氏拒益堅且大罵紹遂引其繩絕之氏有四子俱幼方相待時二歲子呱呱泣紹惡其聲先殺之氏死則二子三子皆覺紹并縊之其長子年十二出同紹寢聞聲入見之急往外呼救紹

復梓而縊殺之時康熙二十七年四月二十二日也獄成磔紹於郡氏奉

旨建坊旌

表

陳士良妻李氏

舊浙江通志夫死遺二子瑞芝序皇軍團舟山李密紉衣上下連為一日

吾苦節十餘年不可使人見吾體及城陷躍入井中死瑞芝自外至亦自縊

顧依仁妻朱氏

舊浙江通志舟山城陷遂攜媳投山下井死時有卒見一幼婦強之隨行

將及登舟婦見城下廬舍大即奮身投烈焰中死

張氏六烈

寧波府志周氏方氏姜氏畢氏俱張鯢淵妾與媳沈氏孫女茂漪聞城破皆裂帛自

縊死時陳君平家妻媳女皆自焚死吳鍾巒妻自殺沈大成朱永佑李向中妻妾婦女或沉水或自



繼死朱祖堯妻錢氏二十喪夫孀居十年投井死又有周氏者被俘赴水死

陳承玉妻李氏

定海縣志孀居有年城陷投井死

黃守剛妻王氏

定海縣志守剛卒氏年二十七舅姑皆早亡遺孤六歲時海氛方熾氏抱

孤奔走常絕食葭葦間隣有勸之者氏曰母予為命義不再辱至五十守節而終

夏子洪妻盧氏

寧波府志年十七歸洪夫早亡遺一女在襁褓中家貧父母憐其少寡欲

奪其志氏剪髮鬻指躬紡績以盡孝養撫繼子若已出年七十五而卒

浙江通志卷二百八

欽定四庫全書

浙江通志卷二百九

列女八

紹興府

山陰縣

周

越姬

後漢書鄧后紀注楚昭王之姬越王句踐女也昭王譙遊越姬從謂姬曰樂予對曰樂則樂矣

而不可久也王曰願與子生死若此姬曰君王樂遊要妾以死不敢聞命後王病有赤雲夾日如飛

烏王問周太史曰是害王身請移於將相王曰將相於孤猶股肱也不聽姬曰大哉君王之德妾請從王死矣昔日遊樂是以不敢聽命今君王復禮國人且為君王死何況妾乎妾願先驅狐狸於地自殺下遂

南北朝

朱百年妻孔氏

宋書隱逸傳山陰人百年隱迹避人卒山中蔡興宗為會稽太守餉百年

妻朱百斛遣婢詣郡門奉辭固讓時人美之以比梁鴻妻

元

俞新之妻聞氏

元史本傳大德四年新之歿聞年尚少父母欲更嫁之聞哭曰一身二夫

烈婦所恥妾可無生可無恥乎且姑老子幼妾去當令誰視即斷髮自誓父知其志篤乃不忍強姑久病風且失明聞氏手滌溷穢不怠時漱口上堂緼其目目為復明及姑卒家貧無貲傭工與子親負土葬之朝夕悲號聞者慘惻鄉里為之語曰欲學孝婦當問俞母

朱淑信

元史本傳少寡誓不再嫁一女妙淨幼哭父雙目失明及長擇偶者不至家貧歲凶母子相依以苦節自勵士子王士貴重其孝乃求娶焉

李如忠妻馮氏

兩浙名賢錄名淑安字靜君山陰人其夫李如忠東平人為武寧尹僑居

越城初娶特默齋氏生子任後娶淑安生二子仕仗如忠卒淑安年甫二十七長子任乃率特默齋氏之黨罄其家貲去淑安竟無渝志有強之者輒毀面流血因厝如忠於戴山下廬墓哭泣居十六

年二孤成立始奉柩歸葬  
留仕奉祀東平携仗還越

陸裕妻楊氏

徐一夔楊貞姬傳吳人母方擇配越人陸裕適遊吳遂嫁之生男三裕病痿氏

事之無少懈其母語之曰何用是彼不起矣不若  
為他適計氏不荅後又數迫之一日氏方食其母  
怒其不從痛詈之食下咽氣逆  
上竟憤懣死後五日其夫亦死

郁蔡二烈

於越新編郁景文妻徐氏蔡彥謙妻楊氏  
俱居南池村至正十九年越州罹兵二婦

被驅迫以行乃給兵曰願  
歸取奩資縱之皆投井死

徐允讓妻潘氏

錢宰徐烈婦傳名妙圓歲己亥明兵  
圍越時潘年二十五嫁同邑項里山

徐允讓甫三月允讓父安挈家山西避兵居無何  
游兵掠山西安被執允讓奮與之敵兵舍安殺允

讓擄潘欲私之潘放聲怒詈頭觸崖石欲自殺兵  
愛其色乃婉辭誘之潘知不死被污欲死不得即  
紹曰我婦人耳夫死勢必汝從但遺屍暴野縱不  
得殮得焚以火掩以土使我盡一慟從汝無憾矣  
兵信之率其伍舁屍就埕地拾枯樹焚之火  
且熾潘擗踊慟哭號天大呼奮投烈焰以死

### 徐慎妻王氏

於越新編至正年  
兵亂被執赴水死

### 張正蒙妻韓氏

元史本傳紹興人正蒙嘗為德清稅  
務提領至正十九年紹興兵變正蒙

謂韓氏曰吾為元朝臣子於義當死韓氏曰爾能  
死忠我必死節遂俱縊死其女池奴年十七泣曰  
父母既亡吾何獨生亦投崖而死於越新編次女  
越奴晝匿山夜守屍尋飢死越經歷率衆瘞之

明

諸娥

明列女傳父士吉洪武初為糧長有黠而逋賦者誣士吉於官論死二子炳煥亦罹罪城方八

歲晝夜號哭與舅陶山長走京師訴寃時有令寃者非卧釘板勿與勘問城輟轉其上幾斃事乃聞

勘之僅成一兄而止城傷重卒里人哀之為肖像配祀曹娥

錢奎妻張氏

明實錄洪武二十年禮部奏奎妻張氏年二十九而奎亡生男始彌月守節不

替事姑尤孝後二十七年姑以壽終張氏七十五歲卒旌表其門

姚彥良妻俞氏

明實錄洪武二十六年旌表山陰俞氏貞節禮部言俞氏子體原嘗為禮

部員外郎坐法死宜停其旌表帝曰豈可以子不肖而沒其母之賢其旌之

朱偉妻馬氏

續文獻通考名德真家病疫舅與夫偕亡姑張氏亦病篤德真艱難萬狀侍姑



疾少愈而母家欲奪其志德真斷指為誓  
決不肯從及姑歿撫膺大慟明日死之

張希勝妻錢氏

弘治紹興府志名昇年二十而希勝  
死舅姑欲嫁之昇聞自縊於室救之

得不死舅姑乃不  
之強遂終其志

包余二烈

續文獻通考包慎妻徐氏歸七年而慎死  
無子同邑右族欲強娶之徐禿髮毀形以

相拒既知不免竟自縊死時又有余亨妻朱氏亨  
死朱年二十三無子亨既葬辭墓慟絕投河死

吳善慶妻孫氏

續文獻通考名妙吉農家女也適善  
慶慶死無子邑人有謀為婚者乃厚

賄其尊長令奪之孫知有盟給以供佛飯僧為亡  
夫福始行既具齋乃更衣禮佛甚恭頃之竟走夫

墓縊

死

丁阿姑

山陰縣志貧家婦夫亡遺腹生一女母家欲嫁之已潛受聘乃給之歸將適其所謀者阿

姑覺躍入水中以救免衆懼遂返於故夫家終不能奪

吳氏二節

兩浙名賢錄吳曇妻嚴氏曇死無貳志子顯舉進士官刑部郎娶曲阜孔氏淑貞顯

卒於官孔扶櫬南還舟抵濟寧水合父母遣車迎之固辭曰夫柩在此義不能舍至於水解發舟終不履岸比至顯家闔戶毀容以苦節終

鄭翰卿妻徐氏

嘉靖浙江通志適翰卿僅逾月翰卿出遊山石十年不返徐獨奉舅姑姑

疾劇餽天請代疾果愈後翰卿歸甫旬日而病卒徐營殮畢嘆曰向不忍死以夫在耳今夫死矣何

以生為絕粒七日卒

祁鑑妻孟氏

萬歷山陰縣志適鑑甫數日鑑死孟年十九父諷之他歸孟閉戶將自盡其姑

防之乃剪髮破鏡誓無貳志舅姑歿貧不能葬盡鬻其衣服以襄事姑苦六十年

蔣論妻戴氏

兩浙名賢錄名毓齡早寡有節行既老鄉人欲上其事輒止之曰常事耳何煩

官府

陳湓妻沈氏

山陰縣志年十八歸湓甫十八日湓亡終身不踰閭湓從姪陳鑒妻沈氏亦年

十八而寡苦志不貳

周英妻何氏

萬歷紹興府志幼受英聘未幾英遭癩疾父母欲背盟女曰兒之不幸曷敢二

志卒歸英英死何堅操不改七十餘歲卒

徐氏二節

於越新編徐文佩妻鄭氏文佩病亟囑鄭曰我死無子汝將若何鄭泣曰倘不幸俟

叔有子即吾子也時叔文鼎之妻童氏始姪尋果生子鄭抱示其夫夫以舌舐兒首而卒明年文鼎

亦卒童與鄭共撫遺孤無貳志

胡節妻王氏

列朝詩集名素娥號藥屏能詩文尤妙女紅年十七歸節節以吏曹死北歲素

娥誓無他志年四十一卒

袁妙善

萬歷紹興府志父子純沒於王事遺幼子一人宗黨利其賢者甚衆妙善方待年未字矢

願保其弟終身不適人

姚烈婦

徐渭烈婦姚氏記姚忠女嘉靖三十六年年甫十六嫁朱縉縉父故推吏死而家益貧縉

嗜酒失業閏四年并其妻自驚於某宦家將挈以之京妻覺之恚曰是將及我吾族儒家也奈何令儒家女蒙嫌至此欲拒知不可乃夜紉其裾袂以自閉懷石沉河死

### 俞氏三節

於越新編俞泮妻馮氏子丕妻錢氏孫廷用妻婁氏俱萬歷年旌

### 劉坡妻章氏

舊浙江通志年二十七而寡遺腹生宗周其舅貧甚不能自給章依父以活兄

為壽昌廣文迎父至任時宗周年十二章令至壽昌讀書不能辦舟車徒步以往凡三上壽昌幾孿一足其不為姑息如此及宗周鄉舉問謁當途章厲色庭詰謂人須有剛骨方能自立宗周不敢失墜萬歷辛丑登進士未聞而卒累贈夫人

### 王慕貞

舊浙江通志王子清女許字劉志學未婚客燕十餘載不返移書令他適王不可及劉客

死父母議更聘女泣云劉有姑在替雙目以乞貸度日世豈有聘媳二十餘年不得一日之養者乎

乃侍其姑七年姑歿守墓數月

焚香端坐卒盛夏尸香徹里

林大茂妻沈氏

紹興府志隨夫京邸夫愛擣蒲廢家業沈處之怡然夫病侍藥飲無頃刻

離既而謂曰予死不足慮弟念爾無子苦隻身耳沈泣曰尚復何慮君先行妾且隨君逝矣殮夫畢

絕飲  
食卒

劉晉嘯妻馬氏

明列女傳晉嘯客死馬年二十餘家無立錫伯氏有樓遂與母寄居其上

以十指給養不下梯者十餘年常用瓦盆貯土以足附之隣婦問故曰吾以服土氣耳年六十五年

陳大熙妻秦氏

紹興府志夫死誓守節父母欲奪之遂自經死

言應試妻陳氏

山陰縣志娶未一月夫因渡水溺死氏抱屍痛暈欲自縊親屬力護乃已

俄有奸人艷其姿欲強污之即引刀自刺幾斃

趙嘉彥妻孫氏

山陰縣志嘉彥入京死於途氏聞報絕粒十四日而死萬歷年建祠

邵二姑

紹興府志許配張某張留京不歸家人欲更嫁之姑絕粒死

葉文傑妻徐氏

舊浙江通志文傑死徐撫孤守節親屬貪其產逼以改醮徐乘夜加禮服

越牕投河而死

趙貞女

山陰縣志名邃幼好讀書善臨池許俞某為妻及笄夫病將易簪姑利其粧促令于歸入

門令一女子假新郎拜花燭訖進房告以實即換服治殮事貞女我詩有簫鼓未完鏡鼓震畫堂方

掩孝堂開之句既而兩姓俱貧勸其再適不從密受聘欲強劫之女持斧厲聲曰有敢入吾室者不論親疎即為斧下鬼乃悉遁去以針指度日年六十卒

陳大本妻李氏

山陰縣志大本亡氏年二十一誓志靡他耄姑齒落不能噉食醫者曰得

乳方瘳李貧無以購服通草七星湯兩乳漣流朝夕哺姑人謂孝感所致

曹氏三節

山陰縣志陳氏曹憲妻夫早卒氏年二十五撫二子成立長國正次守正又相繼早

亡長媳劉氏二十八歲次媳王氏二十九歲課訓諸孤一門三節

趙璋妻某氏

陝西通志趙輯為延綏中路兵憲長子璋以孝行聞比卒婦殉之里中為立節

孝祠



李貞女

紹興府志孝子陸尚質妻萬歷間尚質父登舟為海潮所淹尚質從岸躍入救父父活而

尚質死時李年十七未  
合卺聞夫死孤守終身

沈伯燮妻王氏

明列女傳議婚數年而伯燮病癘手

何日父曰初許時固佳兒令乃病作女曰諱病求  
婚負在彼既許而病命也違命不祥竟歸之伯燮  
病且憊奉事無少怠居八年卒嗣其從子舅買  
妾得子踰年舅姑相繼亡王獨撫二幼成立

平仲昇妻許氏

山陰縣志年二十一仲昇病革顧氏  
而泣曰親老子幼饘粥不充其早為

計氏啗指誓守仲昇亡氏勵志堅貞事姑  
孝撫子耕讀寒暑不輟年七十二而卒

吳邦璿妻傅氏

舊浙江通志邦璿遇亂有職守囑傅  
從間道去傅曰豈不能先死遂吉服

自縊

胡圻妻倪氏

山陰縣志文正公元珣姊也年十八適圻圻謁選至京卒氏聞訃以頭觸柱流

血欲殉元珣泣解之曰古人云死易立孤難姊有子撫之長以吾女配之乃苦志成家訓予以經史

年四  
十卒

朱貞女

紹興府志幼許字周沔未婚而卒女聞往持喪剪髮以誓遂撫姪為子事紡績以自給偶

患疾為延醫診脉女曰吾手豈容他人近乎不許壽七十一卒

張拱辰妻施氏

錢伯顏妻張氏

孫華玉妻余氏

呂聰妻田氏

王曇妻俞氏

鄭谷霖妻周氏

陳軾妻錢氏

金俊妻張氏

汪德聲妻謝氏

朱士志妻孟氏

張旭妻錢氏

陳周妻戴氏

胡燦妻趙氏

宋如珪妻丁氏

趙容妻余氏

潘宋妻王氏

繆禹卿妻濮氏

周濡妻趙氏

周箎妻朱氏

陳潤妻胡氏

朱雷妻沈氏

包濟妻周氏

馮吉妻王氏

俞思妻任氏

張衡妻孔氏

張遜妻錢氏

朱濤妻胡氏

朱滇妻張氏

陳鑰妻金氏

陳滋妻吳氏

吳克明妻周氏

劉灝妾李氏

羅光顯妻劉氏

言祚庚妻丁氏

陸坦如妻章氏

王邦妻孫氏

丁元勲妻潘氏

金廷瑞妻鄭氏

金緡妻譚氏

金經妻朱氏

潘五鳳妻胡氏

陳賢十一妻沈氏

金一寵妻黃氏

邵鈿妻蔣氏

邵奎妻徐氏

沈嗣鑒妻俞氏

徐良生妻嚴氏

徐良輔妻何氏

王觀洲妻余氏

張聖任妻吳氏

金起雲妻孫氏

吳振先妻錢氏

胡塾妻孟氏

周志高妻章氏

俞栢妻施氏

黃良輔妻商氏

祝汝棟妻徐氏

葉廷筌妻朱氏

何光造妻沈氏

陳樞妻高氏

徐鏜妻金氏

徐慶妻尹氏

陳幼學妻馮氏

陳至謙妻張氏

金有德妻錢氏

陳大綺妻婁氏

俞大達妻曹氏

金大紳妻祝氏

陳其升妻潘氏

陳慈妻石氏

胡之紀妻陸氏

缺姓禹圖妻謝氏

葉大器妻曾氏

龔邦柱妻裘氏

王大杰妻裘氏

許三聘妻潘氏

陳核妻徐氏

沈燮妻張氏

劉繼曾妻汪氏

俞弘和妻馬氏

高應科妻李氏

高岡妻趙氏

張孚妻何氏

包懋統妻王氏

沈宏妻傅氏

高貴珍妻凌氏

高貴津妻汪氏

姚用栗妻唐氏

高公懌妻周氏

余燦妻倪氏

商周稷妻祝氏

俞廷祿妻黃氏

余崇禮妻宋氏

陳之源妻童氏

謝朝賓妻沈氏

許應遶妻諸氏

周廷栻妻李氏

王朝京妻倪氏

劉宗元妻嚴氏

陳其才妻潘氏

鄒寰妻盛氏

唐國器妻夏氏

章養仁妻劉氏 劉景堯妻沈氏 徐應奎妻陳氏

國朝

胡一言妻張氏

紹興府志夫亡張年十九有娠五月生子名拱樞身紡績以課之順治間

旨建坊旌表

具題奉

胡廷聘妻許氏

山陰縣志廷聘為鄖陽副將順治四年九月楚寇亂被掠氏斷髮毀容抱

石投金魚河死順治十三年鄖陽巡撫胡全才具題奉

旨建坊旌表

表

周方蘇妻吳氏

山陰縣志明季氏與夫失散時年二十九子襄緒生纔九月負之航海身

歷艱險百折不回完節以歿康熙七年具題奉  
旨建坊旌表

駱元裕妻俞氏

舊浙江通志康熙十年與同里俞一  
和妻馮氏俱奉

旨建坊旌表

表

胡世賢妻朱氏

舊浙江通志夫亡守節康熙十七年  
具題奉

旨建坊旌表

表

黃良翰妻商氏

題旌冊早寡守志不二康熙二十一  
年具題奉

旨建坊旌表

表

何嘉仍妻錢氏

紹興府志年二十夫卒投繯者三力  
救乃免時值兵燹以利刃自衛誓必



死守節三十八年奉

旨建坊旌表

吳乾復妻朱氏

題旌冊夫亡守節孝事舅姑姑疾嘗以乳代羹康熙三十四年具題奉

旨建坊旌表

盛國賢妻吳氏

題旌冊年二十四夫卒氏觸堦欲以死殉其姑護之謹得不死遂以女紅

自給撫二子之隆之奇有成

樊良勲妻諸氏

題旌冊年二十三夫卒事舅姑撫子守節至五十九歲卒以上二氏俱

康熙三十六年具題奉

旨建坊旌表時山陰節婦被旌者人有金大奎妻蔡

氏趙自成妻金氏祝弘載妻謝氏蔭冊  
先載兄錢塘施元龍妻孫氏節孝錄中

任朝縉妻史氏

題旌冊年二十八夫卒織紉以養舅姑患劇疾不可近侍湯藥者相率

避去氏晝夜侍之逾月不解衣兩目幾瞽康熙四十五年具題奉

旨建坊旌表

張徵錫妻章氏

題旌冊夫卒孝事舅姑勤撫幼子自始至終守志不二

張鈞孫妻陸氏

題旌冊夫卒家貧氏辛勤十指以養舅姑鄉黨稱之以上二氏俱康熙

旨建坊旌表

四十六年具題奉

劉氏三節

題旌冊劉源遠妻王氏其弟源通妻陳氏源濬妻沈氏皆少寡遺孤幼無生產可事

且舅姑老三婦親操井臼慘淡焦勞俱能不改其志

王時履妻劉氏

題旌冊年二十七夫亡時舅姑已歿遺孤二長濟世甫四歲次元暹二歲

撫訓成立各為娶婦濟世夫妻相繼歿遺一女劉又撫之長歸邑人李君則未期而寡亦誓死不二人謂具得於大母之教也元暹子霖舉於鄉劉年八十四卒以上四氏俱康熙五十一年具題奉

旨建坊旌表

楊貞女

題旌冊楊德藻女許字高其序未婚而夫卒女哀經往弔遂守靈不返苦節四十餘年

劉士茂妻朱氏

題旌冊甫嫁而夫卒守志不二歷四十年如一日以上二氏俱康熙

旨建坊旌表  
五十二年具題奉

單瑛妻陳氏

題旌冊年二十三夫客死鳳陽家貧甚不能迎喪氏歷劬苦攻紉績代人刺繡

積叔傭值五年得十金扶柩歸葬子稍長俾從師  
受學能自立卒年五十三康熙五十四年具題奉

旨建坊旌表

金一麒妻沈氏

題旌冊年二十七而寡遺一子家貧  
無力延師親為課讀事舅姑生養死

葬咸  
盡禮

姚弘俊妻朱氏

題旌冊年二十九而寡  
孝事舅姑訓子成立

沈奕世妻何氏

題旌冊年二十五而寡茹素毀容始  
終一節以上三氏俱康熙五十六

年具題奉  
旨建坊旌表

徐霍麓妻葛氏

題旌冊幼許字徐及長而夫有狂疾  
舅姑辭婚父母將許之氏聞即剪髮

自繼父母知不可奪乃歸於徐時年十七霍麓不能行禮舅姑使人扶掖結花燭氏夜則依姑獨處晝則調湯藥進飲食侍夫八年無少怠及夫卒氏告舅姑立堂姪允文為子守節至五十七歲以處子終康熙五十九年具題奉

旨建坊旌表  
謹按徐霍麓一名  
延喬本籍上虞人

胡世賓妻范氏  
題旌冊早寡守志不二勤紡績以養  
舅姑撫幼子康熙六十一年具題奉  
旨建坊旌表

張賓如妻周氏  
題旌冊早寡守志不二治家飭身俱  
有禮法雍正二年具題奉  
旨建坊旌表

胡之柱妻祝氏

題旌冊二十五而寡事舅姑撫子守節三十七年

金樞妻魯氏

題旌冊年二十八而寡苦節三十年以上二氏俱雍正三年具題奉

旨建坊旌表同時

山陰節婦見於總冊而無年歲事實者更有李應登妻徐氏陳應妻石氏朱敬勝妻王

氏李仲彪妻陳氏趙玉良氏李仲彪妻陳氏趙玉良妻余氏吳伯宗妻沈氏

鄭龍山妻嚴氏

題旌冊夫亡無子氏服適以殉人稱其烈

王龔乘妻孫氏

題旌冊夫亡守志不二罄衣資殯奠數棺撫二子成立

周中錫妻倪氏

題旌冊夫亡奉舅姑甚孝姑病七年奉侍不倦撫遺孤寬嚴並至以上

旨建坊旌表

三氏俱雍正四年具題奉

余焯文妻王氏

題旌冊年二十四夫亡子甫五齡氏撫孤奉老紡績自贍煢煢一燈常達

丙夜淒風凍雨未嘗少輟性嚴靜閨戶獨處間然莫窺其面宗黨欽之雍正五年具題奉

旨建坊旌

表

王柱妻陶氏

題旌冊夫遊學於外卒於亳氏乏貲奔喪悉鬻簪珥命僕扶櫬歸如禮殯葬二

女三子皆在弱齡撫育教誨備嘗辛苦二女俱適士族三子皆克成立

毛鳳麟妻朱氏

題旌冊夫亡矢志撫孤始終無玷以上二氏俱雍正六年具題奉

旨建坊旌

表

吳麟生妻丁氏

題旌冊年二十九而寡無子夫弟欲奪其志毀容誓死乃止撫姪斌為嗣

斌客遊二十年不返撫媳及孫備極荼苦從姪吳振霍早歿無子妻潘年二十四亦矢志守貞丁優

收養於家守節至八十六歲卒

劉昌嗣妻裘氏

題旌冊年二十二歸劉甫二月而寡撫繼嗣長忽發狂疾死於外後無可

繼臨歿以針指所積置田六畝歸祖嗣俾夫得祔祀焉

駱禹庭妻呂氏

題旌冊年二十四而寡撫遺腹子成立守節六十年

劉光君妻李氏

題旌冊二十九而寡守節至七十九歲撫三子一女子驥早亡媳魯氏亦

能繼姑志

朱恂士妻周氏

題旌冊年二十而寡無子有諷之改適者不從立姪為後撫至八歲殤又



立堂姪莊為後教育有成姑兩目  
替氏侍奉尤謹守節至四十年

陳思永妻姜氏

題旌冊年二十三而寡撫遺腹子事  
祖姑舅姑極孝族有驚祖墓祭產者

氏勤緝績積十餘年贖之守節三十九年  
六氏俱雍正七年具題奉

旨建坊旌

表

包鎮服妻喻氏

題旌冊年二十六夫卒舅姑俱亡旁  
無伯叔有諷之他適者氏拒絕之卒

勤十指數年力舉三世七棺  
次第營葬守節三十五年

唐日著妻丁氏

題旌冊年二十八而寡有子四人氏  
紡績針指以給衣食稍長使各執一

業守節四十六年子孫同  
居兩世不分析遵母教也

陳元會妻錢氏

題旌冊年二十四夫客死京邸無子姑以家貧叔幼力不能支令氏更適

氏誓死不從晝夜勤十指易米養姑及叔而自食糠粃叔長生子文炯即繼為後守節三十年以

旨建坊旌表

上三氏俱雍正八年具題奉

陳天錫妻張氏

禮部照會天錫官雲南司獄逆蠻烏蒙叛天錫同妻張氏死之雍正九年

雲南總督鄂爾泰具題奉旨建坊旌表

王聖歷妻樊氏

題旌冊年十八歸王二十七而寡欲從死翁曰爾殉吾子祿中兒誰其撫

之乃飲泣承命撫孤事翁孝隣婦有不能事其親者聞風而化守節至三十四年而卒

何炆妻朱氏

題旌冊年十七歸炆時炆已病劇扶掖成禮未嘗同衾枕也逾月夫卒舅姑父

母欲嫁之氏誓死不從乃止氏念翁姑無後驚衣飾為翁納妾生二子翁姑繼歿撫兩叔成立繼叔子為嗣孫曾林立何氏之宗賴以不絕守節七十一年而卒

沈世法妻胡氏

題旌冊年十九歸沈二十九而寡守志撫孤及孤長遊京師氏一日忽語

人曰後二日是吾子生日吾將以是日去使吾子每遇生日即憶吾身也果於是日無疾而逝年五

十六

韓璜妻陶氏

題旌冊年十七歸璜二十九夫亡家徒壁立鬻居室以殯葬遺孤僅五齡氏晝

夜紡績育之子稍長出就外傳凡修脯無不出自十指間守節三十年

施恒妻馮氏

題旌冊年二十二適恒二十四而寡子未週歲家貧藉女紅自給事舅姑孝教

其子有樹立守節五十二年

周敏公妻柯氏

題旌冊柯與周皆紹興後幫運丁也

艘中氏日則沿途延醫療治夜則顙天祈代夫卒氏年二十八家日落勤織紵以給朝夕撫訓四子有成守節五十五年而卒以上六氏俱雍正九年具題奉

旨建坊旌表

丁珏妻吳氏

禮部照會珏任雲南楊武壩巡檢管青龍廠事思普叛逆珏陣亡氏為賊所擄

欲污之不從被殺事聞賜祭葬

胡廷銓妻司馬氏

題旌冊年二十八而寡撫子守節三十五年

陸元祿妻沈氏

題旌冊年二十四而寡撫子守節五十八年以上二氏俱雍正十年具

題奉  
旨建坊旌表

宣有玉妻金氏

題旌冊有玉卒氏年二十二舉遺腹子元仁姑葉亦早寡兩世孀居家益

貧窶氏奉養惟謹有叔二人皆幼氏工紡績人善蠶絲歲鬻可數十金為二叔婚娶子長令從名師學有文行貢入成均為士林所重姑患痢割左股啗之即愈明年復作又割右股姑不起氏哀毀彌篤守節五十九年八十無疾而終

沈氏二節

題旌冊沈予揚妻丁氏年二十歸沈夫患羸疾懼宗支莫繼鬻簪珥置妾馬氏期年

得一子夫亡率妾矢志同守上事孀翁下哺孤雛後翁壽終力營喪葬子長婚配生三孫守節五十

六年馬氏事嫡如母訓子不為姑息同丁守節五十六年

劉氏二節

題旌冊劉遠達妻薛氏舉子燦纔週歲而夫歿薛曰一死易撫孤難吾為其難者因

上事老姑生養死葬咸盡禮撫燦年二十一娶施氏期年生一子而燦卒於沁水訃至施慟不欲生薛謂施曰汝年二十八而寡視吾已踰五載幸而有孫宜善撫之哀慟無益也凡疾痛疴癢防護惟謹長而延師課讀俾得樹立薛年五十八歲而卒施後姑十五年而卒姑媳俱守節三十六年鄉里稱為一門雙節以上五氏俱雍正十一年具題奉

旨建坊旌表

馮國義妻朱氏

題旌冊年二十八夫亡遺腹生子氏閨門整肅居一室中足不出戶撫教

其子成立守  
節二十年卒

丁勝千妻徐氏

題旌冊勝千客死京邸氏時年二十四上有舅姑下有子女二人旁無伯

叔氏乃健持門戶以供菽水姑性卽急奉侍尤謹能得其歡舅姑歿力營喪葬子殤撫女長擇婿嫁之守節三十三年

胡蓋臣妻沈氏

題旌冊年二十五夫亡姑得痺疾氏扶持左右數十年無倦色長姒孀居

無子繼嗣遠客他郡氏命其子事之如母後卒於武林氏渡江親為殯殮姒所繼姪歸目雙瞽氏養之於家如已子守節六十五年以上三氏俱雍正十二年具題奉

旨建坊旌表

胡昇猷妾楊氏

題旌冊生而端莊靜一在室時父病常終宵侍側籲天願以身代父遂痊

刑部尚書胡昇猷聞其孝納為側室尚書卒氏年二十四扶櫬歸里服闋猶衣縞茹素屏絕膏沐或疑其矯微諷之即勃然變色冰霜自矢族黨咸高其行守節三十四年

張經文妻王氏

題旌冊年三十而寡撫二子各為娶婦生孫五人子俱歿更撫五孫成立

守節四  
十一年

張絲如妻俞氏

題旌冊年十九夫亡有勸之改適者氏曰夫婦之義一日百年吾不能為

狗彘行也事舅姑備極孝養撫姪懋昭想禮為子守節二十二年

劉視履妻陶氏

題旌冊年二十八夫亡遺腹生子事舅姑以孝聞舅姑歿喪葬如禮子稍



長氏出夫遺書督課  
之守節五十三年

陳安世繼妻陶氏

題旌冊年二十八夫亡前室遺一  
子一女氏生三子最幼者生始七

日家貧織紉以易衣食夫之叔無子氏以第三子  
為之後叔客死湖廣命子往扶櫬歸葬先塋守節

四十  
一年

徐汝檜妻孫氏

題旌冊汝檜以家貧餬口京師氏奉  
養舅姑辛苦食貧夫客死氏時年二

十八事舅姑益謹舅姑歿竭履營喪葬衣食器用  
典鬻罄盡家益困卒能撫教二子咸有樹立守節

三十  
三年

王文俊妻沈氏

題旌冊年二十四夫亡遺子女各一  
氏孝事舅姑始終不懈撫子女長為

婚嫁守節  
三十五年

李繩武妻王氏

題旌冊年二十夫亡無子欲以身殉既而曰舅姑止夫一子夫死吾當代

子職也遂勉事舅姑克盡孝養舅歿姑常有疾與姑同寢處扶持不離左右守節三十五年以上

八氏俱雍正十三年具題候旌

丁瑞南妻周氏

紹興府志順治初年游軍入村落見氏姿美攜其臂去至河干遂躍入水

死時年二十三里人立石於死所曰丁烈婦盡節處

周振躬妻徐氏

舊浙江通志順治初越地新定土寇出沒居民率匿水鄉忽聞有衆至徐

曰事急矣抱兒赴水死次早屍浮出猶堅抱其兒

虞養吾妻王氏

山陰縣志居盛塘上埠順治五年羣寇嘯聚氏懼汚沉水而卒人羅紹南

妻魏氏居盛塘下埠土寇竊發氏抱子沉河一女九歲見母溺亦赴水死遺一子若友娶張氏若友

早卒張氏亦守節終身

朱壽宜妾何氏

山陰縣志順治五年土寇擾白洋村氏年三十恐辱身自沉於河又朱文

姐名菊秋年十五投池死蔡引翼妻倪氏懼寇追及沉於湖門村之水時湖門村有馬氏者被掠不從死之王某妻楊氏遭寇威脅罵詈弗絕被殺

何某妻徐氏

紹興府志土寇發徐攜女長姐避山中賊至欲汚之徐罵賊賊以刃刺其腋抱

女以去徐大呼曰兒有死無被辱女應聲曰必不負母賊亦刺之又周曰禮妻楊氏許大化妻趙氏

王應爵妻蔡氏徐大化妻李氏徐道祿妻董氏嚴文貴妻王氏皆因山寇竊發同時殉節

杜文達妻何氏

紹興府志年十六山寇至  
琶山懼為所污投河死

謹按舊浙江通志作杜文遠妻

葉氏二節

金廷韶葉氏節烈傳據氏浦江人適山陰葉喬年甫十載喬年歿遺孤三撫教成立

明季山寇竊發人民竄山谷間長子為寇所殺氏與寡媳金氏走亂軍中遇賊數騎追至氏知不免遽躍入河金亦隨之順流至淺灘俱得不死事定歸里家業蕩然姑婦相依荼苦拮据以終其身三子俱無嗣鄉里哀之

吳大節妻俞氏

舊浙江通志丙戌六月遇兵恐其相犯同母沈氏自沉於龍華潭母年三

十六女年十七大節亦終身不娶

傅五妻某氏

舊浙江通志已丑山寇肆掠氏被執上馬至三江關躍入水中死

翁氏二女

舊浙江通志翁貞姑良姑同避寇漁後橋寇欲污之遂挽手投水而死

王良臣妻陳氏

山陰縣志生子學信氏年二十六良臣死家無宿糧氏紡績為生子長娶

媳陳氏生孫方期子又死姑媳堅守媳年四十八而終梵梵老婦年至九十餘郡守給匾曰雙節

茹芳妻倪氏

舊浙江通志年十七歸芳芳與武并有隙兵至芳遁掠氏及其子女氏與姑泣

訣曰身惟一死并羈之空舍舍臨龐公池抵暮越窗出投池水死

朱振伯妻張氏

紹興府志家貧有所卒慕其色誘其夫貸金後無以償遂勒書賣妻春券

成即來昇氏氏給卒至晚抱乳幼兒束髮縫衣赴水死

周逢甲妻吳氏

周清原周節母傳年十七歸周二十歲逢甲卒絕粒三日宗長勉以立

孤因漸進湯水子遐祚生甫數月徧體瘡痍奄奄不舉氏艱辛乳哺遂嬰心疾瀕死復甦者再稍長

脫簪珥延師課讀俾得樹立翁中瘋疾日侍湯藥夜則禱天祈代竭履以供參苓歿則喪葬盡禮事

繼姑曲盡孝敬姑患風痺晝夜扶掖代為盥櫛親滌垢穢四十年不少懈年九十而卒遠勝孫曾一

堂五世人以為節孝之報康熙三十七年三學公舉旌獎

沈大姑

王士禎沈烈女傳父達人僑居京師許字同郡朱謙穆謙穆幼孤母龔氏年十九苦節撫

子迄於成立以貧故未能娶無何謙穆病篤大姑聞之自誓歸朱脫夫有不諱願奉孀姑終身言已

即日命駕歸朱氏居五日讌穆死大姑撫尸  
一慟而絕時康熙戊寅六月也年甫十九

王汝華妻包氏

紹興府志年十九而寡家徒四壁紉衣為生孝養耄姑至百歲擇宗人五

歲子業滙為嗣撫養  
成立子亦以孝稱

沈鼎猷妻嚴氏

山陰縣志年十六適沈七載夫卒家甚貧織紵自給康熙乙巳五月望夜

室中火氏驚起倉卒覓衣不得里中趨救者至氏曰吾裸體以生不若死急出其子於門外疾掩門  
焚死時年二十五

周氏二女

山陰縣志周氏安貞許配王宗仁未婚聞夫計親往殯殮矢志不字妹恭貞許配阮

廷諭亦未婚廷諭歿於京即柩回即往  
哭矢守二氏俱周祖儀女有雙貞集

陳氏三節

山陰縣志薛氏陳允正妻年二十八守節教子子亡撫兩孫而次孫復夭孫婦全氏

甫十八克嗣祖姑志其從妹為堂姊如亦二十歲喪偶守貞完潔人稱一門三節

陳氏二節

山陰縣志趙氏陳永妻永卒氏年三十安翁氏年十九同紡績度日辛勤勿懈翁氏

無子宗人欲奪其志卒不能移歷六十餘年其苦節尤人所難

車安妻鍾氏

田軒來車節婦傳吳融村鍾某女年十七歸安甫三月而安遊京師逾年卒翁

欲嫁之氏泣曰翁老無子誰供子職願勿嫁以事翁翁乃不之強懼其父有他意絕不歸寧家赤貧勤十指以奉菽水翁性卞急稍不適輒加詬詈或至箠楚氏委曲承順無幾微倦急翁歿鬻所居之室以事殯殮躬親負土奉姑柩合葬焉身無所歸依其夫之寡姊以居先是有士人某外出數年不



返其妻挈幼子僦居於氏翁之隣或饗殮不給氏每節縮口食以飯其子後士人貴命其子餽以金却不受囑其妻迎養於家氏曰吾孀婦豈可入他人室耶堅拒不住可謂節孝而知禮好義者

### 潘烈女

周炳曾詩序山陰潘公調女公調客廣東攜家於粵以女許素氏子公調歿依孀母劉以居素嫵其貧將別求婚於張氏欲渝潘盟而不得乃造為穢語潛榜其門潘年已二十矣一夕投井死里巷寃之即其地立祠

### 厲貞女

紹興府志許字陳洪濠子仲枚而仲枚不知所之有欲奪之者女誓不從苦節五十年

### 趙貞女

紹興府志高惟良聘妻惟良年十八未婚而死女往待喪誓死不二期年死

### 陳澍之妻胡氏

舊浙江通志與中表沈毓秀妻倪氏俱年二十餘夫死相約曰夫死不殉

何以生為遂截指明心苦守  
不二後死納指棺中目方瞑

俞文衡妻陳氏

舊浙江通志與妹張汝為妻皆早喪  
矢志不二母姑外即昆弟亦罕見其

面所居有隻燕來棲並無儔侶世  
稱節孝者以陳氏雙貞為最著

楊霽妻沈氏

懿行錄年十六適霽甫八日而霽暴卒  
欲以身殉水米不進者十餘日以舅姑

老夫弟尚幼強起事舅姑先意承志飲食服御必  
躬必親朝夕不離左右有疾則衣不解帶焚香告  
天願以身代及歿哀毀骨立喪葬盡禮撫姪為嗣  
視如所生茶苦自甘足跡不出戶外守節五十五  
年

楊琳妻陳氏

懿行錄年二十適琳甫一歲而琳卒遺  
腹生一子辛勤紡績事耄翁生養死葬

咸出十指撫孤成

立守節五十年

### 傅朝燿妻王氏

公舉事實年十七歸朝燿之子綜為嗣家

貧日夜紡績撫綜成立為娶其弟之女為婦綜事母甚孝與其婦同刲股以療氏疾氏性嚴厲少不恠輒終日不食綜與婦俱長跪終日亦不食後綜死復無子氏又撫姪絞之子汝璣為孫姑婦相繼守節姑年七十三而卒婦守節亦三十年人稱雙節

### 朱氏二節

公舉事實張氏朱書述妻余氏朱式孟妻張年二十五書述亡子幼舅姑勸其改適

張誓死不從日夜紡績以伊甘旨育幼子守節三十九年余年二十式孟亡式孟夙患瘋疾余歸後扶持左右者四年無嗣家貧甚同族無肯繼者余哭告宗黨為立應繼以女工餬口守節三十八年

賀靖妻凌氏

公舉事實靖為衛輝守備卒於官氏年二十七攜孤扶櫬歸葬姑陳氏雙目俱

瞽性優卞急氏孝事之病則割股以進歿則鬻產營葬家益貧紡績課子守節四十六年

盧陞寵妻徐氏

公舉事實氏幼喪父事母孝母病刲股療之年二十七歸陞寵二十九而

寡遺孤二歲家貧舅姑老氏鬻手以給朝夕撫孤成立守節四十五年

馮國義妻朱氏

公舉事實年二十八而寡撫遺腹子提攜鞠育足不踰戶外苦志二十年

唐克信妻趙氏

薛化龍妻張氏

王資德妻徐氏

高萬善妻馮氏

劉宗祺妻楊氏

陶學淵妻謝氏

翁嘉引妻胡氏

沈翼范妻謝氏

陳應魁妻曹氏

劉重妻吳氏

沈元肇妻高氏

劉奇妻馮氏

沈重蔣妻祝氏

沈鼎范妻朱氏

趙自成妻金氏

張應芳妻陳氏

王士璉妻錢氏

吳鳳翀妻馬氏

馮可信妻王氏

沈庠妻魯氏

楊大津妻王氏

唐瑾妻陳氏

俞應衡妻周氏

陳澍妻胡氏

施元魁妻張氏

王漢妻張氏

王錫彞妻龔氏

沈衮妻韓氏

謝啟文妻陸氏

妾馬氏

譚瞻明妻錢氏

胡明試妻丁氏

胡德隆妻龐氏

胡懋賞妻王氏

謝應京妻王氏

劉廷輔妻薛氏

朱兆栢妻李氏

沈道錦妻劉氏

劉互椒妻吳氏

劉之佑妻王氏

吳允登妻徐氏

馮應震妻陳氏

沈銘新妻劉氏

茹明卿妻陶氏

高恩妻包氏

王耀基妻張氏

吳需妻張氏

柴明盛妻傅氏

張志遂妻袁氏

徐慎妻何氏

孫萬化妻魯氏

周燮儀妻夏氏

胡焜妻沈氏

馮光禧妻王氏

胡清妻魯氏

陶某妻朱氏

茅伯瀚妻徐氏

陳廷傑妻謝氏 傅廷諤妻胡氏 倪尚鵬妻張氏

譚勤和妻俞氏 金大經妻徐氏 張師栻妻魯氏

諸盤如妻相氏 俞世實妻周氏 沈祖孟妻俞氏

王學進妻堵氏 金伯鈞妻劉氏 張有梅妻吳氏

潘鳳林妻朱氏 姚元道妻傅氏 王錫輿妻周氏

金樛妻黃氏 潘世式妻酈氏 蕭明榮妻王氏

謝允元妻王氏 俞懋昭妻秦氏 茅本奇妻金氏

茅彙緣妻金氏 王士騶妻舒氏 金明宇妻吳氏

鄭汝銓妻潘氏

鄭懋德妻陳氏

李茂秀妻余氏

薛萬鼎妻周氏

馮肇權妻沈氏

胡靖妻陳氏

胡鰲妻賞氏

姜宗斌妻王氏

李廷瞬妻金氏

李藩先妻鍾氏

余邦秀妻高氏

陳非熊妻高氏

趙三泉妻薛氏

陳錫琳妻姚氏

周之尹妻魯氏

詹某妻朱氏

姚宗虞妻單氏

邵承祖妻堵氏

許耀明妻王氏

秦巽川妻徐氏

姚應運妻陳氏

施瑞霖妻陳氏

蔡思堂妻孫氏

王一英妻陳氏



沈雲驤妻陳氏 李允國妻何氏 婁邦憲妻陳氏

范某妻謝氏 范楚翹母戴氏 王三重妻傅氏

會稽縣

晉

王凝之妻謝氏

晉書本傳字道韞安西將軍奕之女也聰識有才辨叔父安嘗問毛詩何

句最佳道韞稱吉甫作誦穆如清風安謂有雅人深致又嘗內集俄而雪驟下安曰何所似也安兄子朗曰撒鹽空中差可擬道韞曰未若柳絮因風起安大悅適王凝之及遭孫恩之難聞夫及諸子為賊所害命婢肩輿抽刀出門亂兵稍至手殺數人乃被擄其外孫劉濟時年數歲賊又欲害之道

韞曰事在王門何關他族必其如此寧先見殺恩雖毒虐為之改容乃不害濟自爾棲居會稽家中莫不嚴肅初同郡張元妹亦有才質適於顧氏有濟尼者遊於二家或問之濟尼答曰王夫人神情散朗故有林下風氣顧家婦清心玉映自是閨房之秀道韞所著詩賦誄頌並傳於世

張茂妻陸氏

晉書本傳吳郡人也茂為吳郡太守被沈充所害陸氏傾家產率茂部曲為先

登以討充克敗陸詣闕上書為茂謝不克之罪詔曰茂夫妻忠誠舉門義烈宜追贈茂太僕謹按張茂會稽郡人傳見忠臣門

南北朝

陳氏三女

南史本傳會稽陳氏有三女祖父母年八十老無所知父篤癰病母不安其室遇

歲饑三女相率於西湖採菱蕒更日至市貨賣未嘗戲息里人稱為義門多欲娶為婦長女自傷乳獨誓不肯行祖父母尋相繼卒三女自營殯葬為菴舍居墓側

**張楚媛**

梁書張稷傳稷為青冀二州刺史州人徐道角作亂夜襲州城害稷稷長女楚媛適會稽

孔氏無子歸宗至稷見害女以身蔽刃先父卒

**張彪妻楊氏**

嘉泰會稽志陳文帝入會稽彪與妻楊氏還入若耶山陳遣章昭達領兵購之

并購其妻彪見殺進兵迎楊楊使改啼為笑請昭達殯彪既畢還經彪宅謂昭達曰婦人本在容貌今辛苦日久請暫過宅粧飾昭達許之楊入室割髮毀面哀哭慟絕誓不更行文帝聞之嘆息遂許為尼

宋

孟道淨

於越新編許字章璘未歸而璘卒道淨誓不再嫁未幾兄嫂相繼卒道淨獨事父母無缺

撫凡遺孤二人皆成立

張孟珪妻方氏

於越新編夫卒子甫二歲方年二十四守節終身

元

馮道二妻

於越新編不知何氏女至正未亂兵至柵頭執道二殺之露刀脇婦婦引頸受刃死

明

樓可先妻王氏

宋漁王貞婦傳名妙清年及笄歸樓生二子而樓亡婦以節自誓朝齋暮

鹽或不能給人數有憾之者志如鐵石弗可動舅姑亦憐其少欲俾更適婦不從舅姑義之自是事舅姑益致其恭教二子從良師游知問學夫死時年二十七

### 董昇六妻丘氏

會稽縣志一子甫週歲昇六死遂守節昇六兄熱風繫獄死逮及閨門丘

氏抱子械至京師發配象奴氏觸階死而復蘇又恐以白刃欣然就之太祖曰真烈婦也命備紅船送回其地賜

名全節里

### 范氏二女

名山藏長適江氏一月而寡次將歸傅氏而夫亡二女同築一垣圍屋數椽田十畝

於內相守以居當種獲時父率傭以入餘日皆閉戶雖灌田亦溝引而已如是者三十年復自為塋而合葬焉

傅樂清妻李氏

范欽傳氏族譜序永樂四年樂清由諸暨始遷於府城之南街未幾即世

遺子鉞甫生三月氏守志撫孤克勤克儉以養以教家業大起孫曾輩皆砥行讀書克自樹立遂為

南街望族

宋允中妻魏氏

兩浙名賢錄年十六贅允中僅三日而允中歸尋卒其家大之役骸澗水

氏奔赴拾骸還瘞家園中服喪三年父母欲嫁之受他幣比還者臨門氏潛之園中自縊死

朱泰妻吳氏

萬厯會稽縣志姑唐病瘥而性暴時加箠已輒起進飲食惟如也既而泰死

無後或勸之他適輒號踊欲絕奉姑益謹與姑相繼歿

司馬貞女

會稽縣志許配董思述未歸而思述計聞氏遂絕飲食卒而姓構棚廩以紙備行婚

禮合集  
珠湖山

沈東妻張氏妾潘氏

名山歲嘉靖中東入為禮科張自後隨之時東尚無子張買潘

氏女為妾與之俱及至則東下獄張謂潘曰汝年少且未見主公當自審擇之潘曰主公抗節夫人苦節婢獨非人乎與張俱守京師時東父年八十七張伏闕上疏請代夫繫獄故東歸養三上不報乃與潘治女工給索饘及東出獄得心疾歸而家益落張身執爨而令潘當夕隆慶初復官不就家居十餘年竟卒無子亡何潘亦死山陰徐貞明表之曰一門風節

沈褒妻胡氏

明列女傳將嫁而褒遭父鍊難二兄褒褒杖死塞上褒與兄褒並逮繫宣府獄

總督楊順達嚴蒿意必欲置二子死獄卒知其意虐苦之已令夜分具二子病狀薄暮兩監司視獄

呼襄哀出命且緩襄等不測明日問之則順為給事中吳時來所劾就檻車去矣襄等遂得釋然哀自是病嘔血旬扶父喪歸比服闋始婚胡已二十七踰六月哀疾大作將不起呼婦叩之對曰向未婚時吾父及昆弟疑君疾遠巡不欲遣我義不回今日固所甘心哀遂卒婦哭不絕聲盡出奩具治喪事有他諷者斷髮務面絕之終日一室中即同產非時不見晚染疾家人將迎醫告其父曰寡婦手豈可令他視不藥而卒年五十一以襄子嗣

王泰妻倪氏

會稽縣志泰以白父寃追隨巡按冒雪千里父寃得白而泰卒氏年僅二十餘

家貧苦節事姑盡禮教子成名壽至八十八歲卒

羅道妻朱氏

明實錄隆慶三年旌表節婦朱氏羅道妻道死朱年二十一父母因其年少無



子欲奪其志而道弟謀得兄產亦百端擠之氏以死自誓立道兄子拱璧為嗣年六十二而卒卒後三年其孫萬化以恩例陳請禮部行勅得實故有是命

### 董氏二節

會稽縣志吳氏董浦妻生一子而浦卒氏年二十撫子至長娶諸氏未幾子又卒姑

婦相守四十  
年世稱雙節

### 金氏二節

會稽縣志陳氏年十七適金勝宗三年勝宗死遺腹子志清娶張氏志清死於京張

年二十姑婦并志以守共處一室並九十餘而終

### 毛烈女

會稽縣志許配董奕文奕文卒女美姿容求婚者日至女盛粧拜父母曰女生不能為董

氏婦死當為董氏鬼矣父母朝夕守之絕飲食卒陶望齡為歌詩以贊之

沈壽姐

舊浙江通志年十八母早歿父以貿易出依寡居伯母呂氏呂適歸寧姐過其從伯母張

氏以宿夜有狂且欲犯之姐驚駭大哭次日服滴死

陶尚文妻秦氏

會稽縣志年十六歸陶纔十日尚文死踰年舅卒家貧氏與姑日纔一炊

以孝養聞氏新寡時父母諷使二適氏閉戶自盡救乃免是後母家不敢言以伯氏子本正為後本

正亦誠愿力作晚乃饒裕云

陶尊道妻李氏

會稽縣志嫁五日而尊道病卒家極貧縫紉浣濯析薪釋米靡不躬行居

十九歲伯婦始生子養之為後詔旌其門

朱宇周妻楊氏

紹興府志夫以株連繫獄氏聲冤莫雪自經於杭州當事聞之宇周得出

獄終身  
不娶

章如鐸妻張氏

會稽縣志夫蚤歿悲號欲絕及殮畢遂自縊於柩旁族人為之舉喪

陳孔教妻孔氏

紹興府志崇禎末孔教任四川僉事以獻賊破蜀死子以衡匿其狀不與

母知踰二年氏偶至子書室見兵備道請卹孔教盡節事讀畢哀號殞地遂引匕首斷喉死

金順姐

會稽縣志父明惠任保定府通判順姐隨父於官寓昌平州遇難投井死時年十九

搖士忠妻鮑氏

舊浙江通志士忠官京師甲申城陷氏同夫暨二女媳趙氏俱縊死次女

金哥自縊氣未絕賊欲污之女拔劍大罵不屈死

黃朝輔妻謝氏

紹興府志寓居三江遇寇赴水死

葉汝菴妻某氏

紹興府志汝菴聞甲申寇變赴水死妻亦同之

章憲妻金氏

會稽縣志安慶遊擊章方美媳遇兵難脅之不從乃寸磔之兵有以其肉為戲

者即諱語死

鄭遵謙妾金氏

舊浙江通志遵謙為鄭彩所害金氏每祭夫必縛草人書彩姓名寸斬以

脩食彩聞之投金氏於海中

屢顯靈異人稱小金娘

蔡貞女

紹興府志許聘余金聲未婚而金聲歿女截髮自矢遂歸余苦節終身

張裒妻胡氏

邵仲文妻張氏

金伯珣妻秦氏

沈源妻俞氏

金雷妻董氏

王鑑妻蔡氏

章柔妻余氏

曹繼祖妻馬氏

王之驥妻祝氏

馬璣妻馮氏

章楷妻沈氏

胡慄妻祝氏

錢盛妻李氏

韓釋可妻薛氏

王金妻張氏

葉應暘妻錢氏

董和妻姜氏

朱大有妻何氏

董能八妻黃氏

胡詡妻倪氏

胡憲妻章氏

胡某妻宋氏

胡止善妻楊氏

施鳳翥妻張氏

陳敬山妻張氏

薛允勛妻孟氏

陳啟新妻俞氏

王起錫妻吳氏

金應寵妻丁氏

姚士錫妻王氏

郁達妾石氏

倪濟妻趙氏

郁士淇妻王氏

陳元隆妻范氏

章某妻某氏

陶履中母高氏

謝錫衮妻吳氏

周伯英妻金氏

平昇妻馮氏

商周禮妻祁氏

王萬栢妻奚氏

錢珠妻張氏

袁祖烈妻高氏

陳文錦妻李氏

金侶仙妻宣氏

董栗妻樊氏

章旻妻戚氏

章懷仁妻陳氏

馮秉忠妻魯氏

章以裁妻童氏

倪元璫妻胡氏

國朝

金日昌妻章氏

紹興府志年二十而日昌卒氏事姑孝撫孤成立順治十五年具題奉

旨建坊旌

表

范懷義妻尉氏

會稽縣志年二十七而懷義卒氏撫遺孤成立年七十四終

戴應龍妻柯氏

會稽縣志年二十二而應龍卒氏守節撫孤八十五歲卒以上二氏俱

奉

旨建坊旌表不詳具題年分

陳家驊妻蔡氏

題旌冊年十九而寡守節至五十四歲康熙二十三年具題奉

旨建坊旌

表

倪運采妻徐氏

題旌冊年二十二而寡守節至五十三歲康熙三十五年具題奉

旨建坊旌

表

范居敬妻陳氏

題旌冊居敬客死京邸氏年二十九迎櫬歸葬訓子鉅甚嚴守節六十一

年康熙三十八年具題奉

旨建坊旌表

傅紫樞妻魯氏

題旌冊年二十三而寡守節至八十二歲康熙三十九年具題奉

旨建坊旌

表

唐祖堯妻劉氏

題旌冊年二十四而寡守節至五十九歲康熙四十四年具題奉

旨建坊旌

表

章氏三節

題旌冊章成化妻張氏年二十三夫亡守節三十四年章志純繼妻陳氏年二十一



夫亡撫教前妻二子紳承熙俱得成立守節三十年其姪章承烈妻嚴氏年十九夫亡與陳氏啗指流血守節四十一年康熙四十七年具題奉

旨建坊旌表

俞德範妻韓氏

題旌冊有韓國英者欲犯之堅拒不從而死康熙四十八年具題奉

旨建坊旌表

石珍儒妻陳氏

題旌冊年二十九夫亡守節三十三年康熙四十九年具題奉

旨建坊旌表

葛三姐

題旌冊幼許配陳再韓為妻及長隨父居京師有江西民楊天錫用強逼娶遂自縊而死

雍正二年具題奉  
旨建坊旌表

朱廷棟妻婁氏

題旌冊夫客死粵中氏年二十一亦貧積錙銖以歸夫柩上事兩代毫

姑下撫三齡幼子  
守節二十三年

孟昇宇妻黃氏

題旌冊年十九歲而寡守節五十四年

馬如驛妻王氏

題旌冊如驛死氏孝事舅姑撫遺子終始一節以上三氏俱雍正三年

具題奉  
旨建坊旌表

施若耶妻秦氏

題旌冊年二十二夫亡截髮矢志事兩孀姑克盡孝敬撫三子數啟教俱

有成每倚夫墓古柏慟哭樹為之枯守節至六十七歲而卒

嚴禹生妻祝氏

題旌冊年二十二而寡或諷之改嫁氏持刀截髮誓不變志守週歲遺孤

成立苦節

三十九年

嚴聰妻徐氏

題旌冊年二十八歲而寡守節四十六年

董鉅德妻劉氏

題旌冊年二十六歲而鉅德卒氏矢志撫孤守節四十二年以上四氏

俱雍正四年具題奉

旨建坊旌表

杜浚英妻魯氏

題旌冊年二十四而寡浚英兄弟四人皆早逝惟存氏妯娌二人奉姑以

居姑患疽氏撫摩不離左右其娣化之亦不稍懈翁墓為水所浸氏急驚簪珥遷墓撫二子有成守

節至七十

二歲而卒

王琳妻俞氏

題旌冊年二十六歲而寡守節至七十一歲以上二氏俱雍正五年具題奉

旨建坊旌表

包梗妻藍氏

題旌冊年二十而寡守節三十三年撫遺腹以延一綫今孫曾林立有舉科甲

者人謂苦節之報雍正六年具題奉旨建坊旌表

馮文燭妻孫氏

題旌冊歸馮四年而夫卒時年二十八躬織紉積累數年始得營葬其夫

課子士坦有成守節五十二年

陳泰觀妻夏氏

題旌冊年二十九夫亡守志撫二子世統世良俱有成立守節三十一年

馮肇權妻沈氏

題旌冊年二十三而寡無子繼姪雉為嗣守節四十年

沈汝鏡妻章氏

題旌冊年二十七而寡家貧紡績撫孤守節四十年以上四氏俱雍正

七年具題奉

旨建坊旌表

馮錫麟妻吳氏

題旌冊年二十九夫客死於  
粵撫孤成立守節三十二年

嚴懿妻王氏

題旌冊年二十八而寡守節三十三年  
以上二氏俱雍正八年具題奉

旨建坊旌表

俞元龍妻李氏

題旌冊年十八歸俞二十三而寡兩  
子俱幼氏奉舅姑二十餘年孝敬不

怠舅姑歿喪葬盡禮子亦能  
自立守節至五十三歲卒

馮文燦妻錢氏

題旌冊氏三歲失恃育於後母以孝  
聞年二十一適馮二十七夫亡姑繼

歿氏事衰翁雖極貧苦而甘旨未嘗缺教子士珪  
游庠食餼晚歲子人卒人教其孫守節五十七年

旨建坊旌表 以上二氏俱雍正九年具題奉

任肇智妻婁氏

題旌冊適任九月而夫卒氏決意從死方娠舅姑勉諭乃稍進水漿舉一

子事舅姑甚孝比卒猶囑其子曰兄無父能善事祖母則爾父不死矣年四十五卒守節二十三年

謝蕪才妻劉氏

題旌冊年二十四而寡絕食數日立志撫孤生子全聰又歿與媳王氏同

心苦節以撫一孫姑疾篤親為嘗糞以決生死願以身代姑遂愈舟過大樹港烈風陡作隣舟俱溺氏舟亦幾覆忽旋風泊岸人以為節孝所感以上二氏俱雍正十年具題奉

旨建坊旌表

王錦妻單氏

題旌冊年二十九而錦卒氏撫遺腹子守節二十三年雍正十一年具題奉

旨建坊旌表

范士沆妻徐氏

題旌冊年二十三夫亡遺孤甫五月舅姑老旁無伯叔氏勤女紅以上事

下撫健特門戶守節五十年雍正十二年具題奉旨建坊旌表

秦嘉與妻朱氏

題旌冊年二十二夫亡無子事姑孝姑病醫藥罔效氏日夜籲天求代姑

遂愈壽至九旬而卒氏哀毀骨立撫族姪為嗣守節四十五年

胡其介妻錢氏

題旌冊年二十八夫亡上有孀姑下有稚子四衣食不給日夕勤女紅常

不就枕四子俱能成

立守節四十二年

陸天懿妻鍾氏

題旌冊結襦甫八月而夫亡時年十七服闋舅姑相繼卒叔幼氏健持門

戶莫舅姑及夫復以形家言地不吉又擇吉壤遷之叔長為娶婦育其長子為嗣守節四十九年

以上三氏俱雍正十三年具題候旌

王某妻楊氏

舊浙江通志居平水順治丙戌六月間寇警沉河而死

陶氏五烈

會稽縣志陶氏童汝茂妻十九而寡無子與弟緝之妻章氏綜之妻章氏及妹二人

同舟避寇寇至氏奮身投河五人遂同死次日得屍握手不解

陳三妻孟氏

舊浙江通志丙戌年夫妻姊妹聯臂沉河死

李永昌妻張氏

會稽縣志永昌卒於京氏奔喪返葬順治戊子土寇作氏謂婦曰吾守



志垂二十年已拚一死比寇漸偏氏潛啟戶而出其子急跡之於河濱得一遺悅網其屍弗獲有頃半里外乘流而至昇歸視之衣裾縫紉不可解

陶士章妻章氏

舊浙江通志戊子年土賊肆掠居民多出匿士章貧無舟匿於近隣賊至

兒啼牀下賊曳其髮出之氏且罵且哭賊脅以刀奮身觸刀死

趙泰徵妻張氏

舊浙江通志年三十遇寇恐不免先誘女至河擗之水氏亦隨死

胡百朗妻潘氏

舊浙江通志年十九寇至被執行里許至易家橋即從橋上躍入水中死

陳肇新妻楊氏

舊浙江通志家瀝海城北枕大洋丙中海寇登岸焚劫肇新客江南氏子

身不能避遇警投井死又朱某妻余氏亦赴水死

王朝恩妻楊氏

紹興府志寇警沉河死  
越三日殮顏色如生

吳士標妻傅氏

會稽縣志士標卒於京氏年二十五  
時歲大歉手削木皮剝草根以自給

親故屢以改適言氏  
以死誓卒年七十三

王嶙妻張氏

會稽縣志嶙早卒  
氏絕粒數日而卒

王某妻任氏

舊浙江通志守節三十餘年  
後有以非禮犯者自縊死

沈與參妻王氏

紹興府志與參偕氏居京邸夫亡有  
謀娶之者鄰婦誦以言笑而不答夜

自縊於  
夫柩側

董昌十七妻鄭氏

會稽縣志年二十四而寡止遺一  
子夜夢夫語之曰有迫汝者將奈

七

何遂驚寤次日果如夫言氏以刀斷菜即自斷其髮曰少有二心即如此髮辭色凜然人不致犯居常衣一絮衣及年至六十舉以示媳曰此汝舅在時衣也雖歲久勿敗易今無愧矣尋卒

### 林占春妻姚氏

舊浙江通志占春亡痛哭欲自盡母慰解之明年夫葬母亦死姚歎曰吾

所以不死者為夫未葬母在故也至此復何生為遂以一幼女托其姑絕食數日死

### 陳貞女

舊浙江通志初許姚世治未成婚二姓寄居京師世治南歸父欲改字之氏易粧覓世治

於濟寧泣謂曰余固女流違父不孝今見君子事畢矣奮身投河死

### 童氏六節

會稽縣志魯氏童祖靖妻早寡有子乾吉坤吉乾吉妻徐氏無子坤吉妻章氏遺孤

汝相汝揖汝相妻章氏汝揖妻范氏及妾蔡氏三世俱二十餘歲而寡苦節數十年而卒此亘古所

未有而妾蔡  
尤為奇特云

沈允德妻李氏

會稽縣志農家女歸允德三載生一女允德亡婦誓以身殉隣媼勸勉之

氏曰恐身存有奪吾志者因乘間投繯而絕距允德之死僅五日

章貞女

紹興府志許字王姓後父母嫌其貧欲更之乳媼露其語章截髮不下樓以終

徐貞女

紹興府志許字趙應奎應奎死女踵趙門易衰經時年十九父母勸回欲自盡乃止姑病

篤刲股以進遂愈守節五十餘年又有車貞女者因兄亡嫂寡不字以處女終

駱光裕妻吳氏

紹興府志早寡家貧父諭其祝髮為尼泣曰我苟祝髮舅姑以天年終誰

帶孝髻耶遂力勤奉養後舅姑歿治喪葬畢遂不食而卒

王文燦妻郭氏

紹興府志歸文燦數載文燦為吏所誣擬大辟家貧莫為救者氏懷訴狀

至縣堂自刎  
死夫竟得白

滕順生妻孟氏

紹興府志順生畧識書記為蕪湖闕吏婚月餘即往未幾卒訃至氏號哭

覓死父母止之氏乃迎順生柩葬之櫻山下舟回至周家灣赴水死年十八時康熙三十八年

潘思周妻傅氏

周紹興潘節婦傳名五芳會稽傅統會女年二十二歸思周思周父為田

州吏目田在南寧泗城間與猛獍裸處去越且萬里婦結褵甫一月即隨夫抵翁任所一年而夫歿僅遺一女適有宦於粵者喪偶謀娶之婦截髮自誓曰有不終於潘者如此髮未幾婦之母與兄死又未幾翁之長子長媳死無何翁又死婦以一女子孑身瘡痍間無期功強近之親柩不能歸乃泣

血告於上官及州人之有力者得若干金扶六觀  
出郭門身服斬衰徒跣號泣隨之撞人徃女莫不  
籍籍稱孝婦歸家延地師卜葬其翁與夫之柩  
撫翁之幼子成立嫁其女舍哀茹素以終其身

表思妻李氏

懿行錄年二十一為思繼室思歿於楚  
子尚孝纔四齡家貧寄居所親小樓日

藉針黹撫孤課讀人周之輒不受為娶劉函文女  
為媳尚孝游學京師卒於途無子劉年二十四以  
孀姑在堂忍死侍奉日夜紡績銖積寸累以迎夫  
柩歸且營葬焉姑疾親嘗湯藥跣步不離姑歿無  
以為殮夫友義賻卒不取克成姑志  
李守節三十四年劉守節二十八年

宋子諤妻包氏

公舉事實年十八歸子諤二十二而  
寡子甫襁褓氏事孀姑撫幼子躬勤

紡績足跡不踰戶  
外守節三十九年

王氏二節

公舉事實王永祚妻吳氏王啟祚妻徐氏  
吳年二十四夫亡守節四十年卒年六十

四徐年二十九夫亡守節  
三十三年卒年六十二

陶氏二節

公舉事實任氏陶泌妻年二十九而寡無  
子妾陳氏生一子彬氏撫同已出教以讀

書為名諸生翁銀任錦州知府氏生事死葬無不  
合禮治家有法閨門肅然陳氏誓不改適與嫡矢  
志同守事主父尤孝謹知府顧  
濟美給額以旌曰絳幘雙範

袁大琰妻沈氏

俞士龍妻李氏

姜鳳鳴妻鮑氏

祝孟鳳妻王氏

陸傳妻胡氏

王資仁妻金氏

王自超妻高氏

謝栢齡妻祁氏

陸琦妻朱氏

褚應麟妻張氏 龔翔鴻妻周氏 金十九妻張氏

陳明生妻金氏 葉汝葑妻周氏 何天如妻董氏

吳肇統妻王氏 唐熙堯妻姚氏 董懋史妾倪氏

陳大經妻余氏 陶世名妻王氏 姚志潮妻諸氏

王貽楷妻董氏 汪某妻趙氏 姜承勲妻胡氏

朱曾爽妻蔡氏 胡爾鈿妻陳氏 徐汝稽妻宣氏

徐守謙妻沈氏 王建三妻高氏 徐守道妻陳氏

陳國儒妻周氏 莫應期妻章氏 張元棟妻徐氏



陳某妻宋氏

張紹墀妻薛氏

胡應暘妻唐氏

陳家驊妻蔡氏

童士仁妻錢氏

陳國謨妻徐氏

陸述妻金氏

陸金國妻吳氏

陸端妻吳氏

章廷相妻陳氏

魏兆洪妻詹氏

王業偉妻施氏

倪士燭妻胡氏

陳三德妻王氏

陳繪妾馬氏

王儵妻唐氏

陶志遂妻柴氏

陳邦化妻周氏

徐霖妻張氏

任重妻陶氏

宋景純妻周氏

徐萬化妻朱氏

葉士栻妻凌氏

浙江通志卷二百九